

河南府志

ル 5
1546
3



河南府志首卷之四

聖製

聖祖仁皇帝御書匾額

文廟

萬世師表

康熙二十三年

世宗憲皇帝御書匾額

文廟

生民未有

雍正三年

御書匾額對聯

興天廟

河南府志

卷之四

聖製四何堂年補刊

與天地參 乾隆三年

龍門香山寺

香巖淨域

關帝墓

聲靈於鑠

翊漢表神功龍門並峻

扶綱伸浩氣伊水同流

迎恩寺

具正法眼

巖嶺王喬祠

卽是丹梯

笙音縹緲凌秋月

鶴羽迴翔駐嶺雲

中嶽廟前殿

鎮茲中土

二室集神庥陰陽式序

三臺垂福蔭風雨以和

中嶽廟二層殿

神嶽崇嚴

包伊洛瀍澗並效靈庥

長衡泰華恒永凝禔福

中嶽廟天仙宮

靈符萬寓

石室靈虛參秘錄

玉膏凝潤普元符

中嶽廟

行宮

勝萃三門

仙館揮絃調潁水

書巖琢句摘嵩雲

會善寺佛殿

靈鷲真如

一曲香泉應洗鉢

千峰花雨不沾衣

會善寺菩薩殿

空澄水月

大地山河歸寶掌

中天日月繞金輪

香少林寺初祖殿

雪印心珠

卷之四
三
少林寺三世祖佛殿

香岳雲梵

法域啟三明慧通眼藏

香岳標七淨妙滌心塵

少林寺毘盧殿

法印高提

山色溪聲涵靜照

喜園樂樹繞靈臺

少林寺

丁宮

寺觀

秀挹高雲

登峰何必全規李

築室無妨小似盧

少林寺達摩殿

最勝覺場

玉岫香雲開法界

珠林花雨靜禪心

救林林山嶺嶺心

王帥否雲霞心界

聖朝聖德

水林青雲嶺嶺

榮聖無敵小國

聖朝聖德全賦

聖朝聖德

河南府志卷之一


圖考

古者左史右圖用以昭土宇版章之盛也况河屬為天
 地中區當九朝都會名山大川標其勝龍圖龜書啓其
 靈義文禹蹟煥其光視他郡為尤盛焉可與媧之石奭
 之棠喬之笙同湮沒於青燐碧火間耶詳閱經書河圖
 洛書與定鼎測景各圖其跡猶有存焉命工摹倣與嵩
 高郡邑諸圖並列以備觀覽云志圖考

河南府志卷之一 圖考

河


圖



繫辭傳曰河出圖洛出
書聖人則之又曰天一
地二天三地四天五地
六天七地八天九地十
天數五地數五合天數十
得而各有合天數二十
有五地數三十凡天地
之數五十五有鬼神也
成變化而行鬼神也此
河圖之數也

昔者伏羲氏之王天下也聖德格天天不愛道故龍
馬負圖而出於河其數則一六居下二七居上三八
居左四九居右五十居中以五生數統五成數而同
處其方蓋揭其全以示人而道其常數之體也聖人
則之以作易虛五與十太極也奇偶各居二十兩儀
也以一二三四為六七八九四象也析四方之合以
為乾坤坎離補四隅之象故虛之以為兌震巽艮八卦也蓋
五十居中有太極之象故虛之以擬太極奇偶各居
二十有陰陽相對之象故則之以畫兩儀一二三四
為六七八九有陰陽老少之象故則之以畫四象析
四方之合補四隅之空有乾坤坎離兌震巽艮之象
故則之以畫八卦夫由一而二由三而四由四而八
此乃聖人則河圖
以畫卦之旨也

洛書




洛書蓋取龜象故其數
 戴九履一左三右七二
 四為肩六八為足蔡元
 定曰圖書之象自漢孔
 安國劉歆魏關子明
 有宋康節先生邵雍堯
 夫皆謂如此至劉牧始
 兩易其名而諸家因之
 故今復之悉從其舊焉


維昔神禹地平天成地不愛寶故神龜戴書而呈於
 洛其數則戴九履一左三右七二四為肩六八為足
 而五亦居中以五奇數統四隅數而各居其所蓋主
 於陽以統陰而肇其變數之用也聖人則之以敘疇
 初一日五行次二曰五事次三曰八政次四曰五紀
 次五日皇極次六曰三德次七曰稽疑次八曰庶徵
 次九曰福極蓋在天惟五行在人惟五事以五紀參
 五行以天人合矣入政者人之所以因乎天五紀者天
 之所以示乎人矣皇極者君人之所以建極也三德者治
 之所以應變也稽疑者以人而聽於天也庶徵者推
 天而徵諸人也福極者人感而天應也夫自初一之
 五行以至於九之福極此聖人則洛書以敘疇之旨
 也

圖考

周公營洛之圖



成
敬王遷此亦
曰東周周以
後隋以前云
洛陽皆在此




周平王遷此
曰東周敬王
遷居成周此
又為西周


武王遷九鼎於洛邑意欲宅洛周公成之俾四方朝貢均焉又營成周以處頑民俾密邇王室式化厥訓

圖考

召誥土中之圖




周禮大司徒云以土圭之法測土深正日影以求地中
 中日南則影短多暑北則影長多寒日東則影夕
 多風日西則影朝多陰日至之影尺有五寸謂之
 地中乃建王國焉書曰王來紹上帝自服於土中




府屬十縣全境圖






河南府城池圖




周公營洛上澗水東瀍水西秦置郡縣則在成周隋
 仍移縣治於光通坊即今城也金元明皆因其舊



嵩嶽全圖




圖考





欽修中
嶽廟
圖



河南府志卷之二

沿革表

河南為豫州之域商末屬周南地武王定鼎于郊鄩周
 召二公復營相之尚矣秦漢至今三千餘年而都而郡
 而司隸別其制也為尹為州為路為府異其名也我
 朝統一寰區損益前代凡所沿革斟酌盡善雍正二年

詔諸省府治轄州縣多者改州為直隸分河南府陝州轄靈寶
 閩鄉二縣十二年又請撥盧氏隸之之綱之紀規制倍
 加詳矣謹遵

皇輿表聯絡而書之碑覽者知所考焉志沿革表

河南府洛陽附偃師鞏縣孟津宜陽登封永寧新安澠池高縣

黃帝布蓐收國帝嚳高九州為見路史辛故都

古上
豫州域
見禹貢
釋文

唐虞
豫州域

虞

禹封夏孟津見伯子鄩禹真在城見名唐虞之勝志世

堯遊陽城舜遷負黍禹避舜子於陽城猶未即位也

夏
殷侯子陽無固孟涂國亥國在有夏之見路史夏帝芒居見周三十三書即鄩

在國夏后臣見路史綸氏國見

有莘氏國見水經注

史家見路

炎帝後伊侯國堯之母

周	武王克王城地武王克鞏伯邑春秋傳東周地春秋屬春秋為考王時春秋晉春秋伊	殷定亳至敬王商偃息顯王二王與鄭近王城鄭戰國韓地	於鄭鄭徙居下師徒于年西周蘇忿生戰國時屬韓	歲王下都考至此遂得惠公封之田九屬韓蘇	澠水東乃封其名○侯少子班十二邑秦說韓	澠水西第於河氏尸氏于鞏號其一盟曰韓西	而管洛南以續鄩劉俱為東周又傳晉有宜陽	邑是為周公之見春秋公史記策談軍商版之
商	未為	見後漢志	澤從西	毫見括地志盤庚復歸千毫改號殷見皇極經世	商末武商末召王伐紂伯聽訟大會于舍于甘孟津盟棠下諸侯故又曰盟	年見竹城又為書紀年鄩鄩氏國見竹書紀年	寰宇記	

河南府志

沿革表同治六年補刊

<p>莽曰保周莽曰縣屬河郡故城應劭曰農郡是縣武帝南境宜農郡即池中鄉農郡○ 忠信鄉宜陽並南郡莽東周所平陰在時宜陽又置宿陽之西今縣治民景帝惠帝四 平縣南在通池高縣以境後漢○穀成中二年置新 故曰平地見漢奉太室魏晉併師古曰初成徙成縣屬 陰莽改地理志俱屬潁同 平縣曰○宏農川郡○ 郡武帝漢置綸 元鼎四氏在今 年置登封潁 陽鎮而 秦漢潁 陽故城 在今小 金店西 後郡國 志潁川 郡有潁 陽城 無審高 ○建初</p>	<p>後漢 世祖都漢火行縣屬如縣屬如後郡國仍屬宏後郡國 雜陽建忌水改故偃作故 武十五洛為雜偃 年改為縣屬如 曰尹屬故 司隸</p>	<p>莽曰保周莽曰縣屬河郡故城應劭曰農郡是縣武帝南境宜農郡即池中鄉農郡○ 忠信鄉宜陽並南郡莽東周所平陰在時宜陽又置宿陽之西今縣治民景帝惠帝四 平縣南在通池高縣以境後漢○穀成中二年置新 故曰平地見漢奉太室魏晉併師古曰初成徙成縣屬 陰莽改地理志俱屬潁同 平縣曰○宏農川郡○ 郡武帝漢置綸 元鼎四氏在今 年置登封潁 陽鎮而 秦漢潁 陽故城 在今小 金店西 後郡國 志潁川 郡有潁 陽城 無審高 ○建初</p>
--	---	--

<p>魏 改尹為省河南縣屬如縣屬如文帝改縣屬如縣屬如 郡置司入洛陽故 州領之改雜為 ○水經洛 注魏因 漢離復 都洛陽 以洛陽 譙許昌 長安鄴 為五都</p>	<p>曹 改尹為省河南縣屬如縣屬如文帝改縣屬如縣屬如 郡置司入洛陽故 州領之改雜為 ○水經洛 注魏因 漢離復 都洛陽 以洛陽 譙許昌 長安鄴 為五都</p>	<p>晉 仍居魏復並置省偃師屬河南河陰屬縣屬如陽城改 都名司河南縣入緱氏尹 河南尹故 屬河南</p>	<p>津關 四年置 輪氏即 前漢綸 氏屬潁 川</p>
---	---	--	--

河南府志

卷之二

沿革表

四

齊北	河南尹氏二縣屬洛陽 東魏天二年改郡 平初徙河南縣 鄴改尹曰宜遷 為郡後屬屬河 入西魏南郡 置郡如 故屬司 州
為洛州	
廢	
置河陰置九曲 如故城	東魏元和中正光中于此○平初置澠池郡二年置 象二年置宜陽復置陽東魏置新安郡領北澠池州 置河陰郡領宜城孝昌金門郡領新安池俱利領伊陽 郡領之陽南澠中分陽領北陸東垣河西新安汝北新 池金門城置康一縣置南三縣三縣置城三郡 三縣○城置陽金門縣與和南澠池置南陸 隋書壽城郡領屬宜陽改領西屬宜陽渾屬伊 安注後陽城頽郡 東垣三 縣
	屬新安魏天平 郡 初置中 川郡領 堙陽頽 陽二縣
	屬汝北 郡置東 亭縣尋 廢○隋 志伊陽 郡作伊 川郡

隋	置東平復改宜 六府洛遷為河 州總管南縣 隋開皇 改置省 尋廢
周	大業元開皇初開皇十開皇十開皇十開皇初 年徙都廢洛陽六年廢六年復廢河陰廢宜陽廢陽城廢同軌六年置八年改改和州 於河南郡改為緜氏置置屬河入洛陽郡為縣郡六年郡徙熊耳州仁昌曰伊州 縣即王縣大業偃師大南郡 仁壽四改埋陽耳治同壽四年洛水大伊川 年改廿曰武林軌城六州廢又業初省郡頽南 棠為壽十六年業初廢廢新安洛水入陸渾縣 安大業置嵩州嶠縣義入東垣宜陽縣開皇初 初廢熊十八年寧二年大業初○隋志郡廢改 州入宜改武林移熊耳改名新澠池屬縣曰伏 陽縣屬曰輪氏于永安屬河南郡流大業 河南郡仁壽四城始更南郡○唐志義初復曰 義寧初年廢嵩名曰永義寧二年陸渾屬 移壽安州又廢寧縣年以縣改屬宜河南郡 治九曲康城入宜陽郡置新安陽郡舊新城
後	置河陰改陽州廢頽陽改北宜置中州置河南改北荆 如故曰熊州入堙陽陽置熊及東垣郡大象州曰和 耳又置縣州尋中廢改州 同軌郡廢 南澠池 曰昌洛
	廢金門 郡

沿革表

城○大陽城大見唐志郡見唐	業初置業元年	興泰縣改輪氏	屬河南曰嵩陽	郡○義與陽	寧二年並屬河	以宜陽南郡	澠池永	寧置宜	唐志
開皇初	郡廢為	縣十八	年改名	伊關縣	屬河南	郡			

唐

東都隋垂拱四二縣並屬河南武德二武德元貞觀十武德三武德元改屬河陸渾伊
置武德年析河屬河南府河南年置太年改宜七年省年以永年改郡南府河關並屬
四年廢南洛陽府河南郡
貞觀六置永昌郡貞觀
年號洛縣永昌十八年
陽宮顯元年更省緱氏
慶二年河南日上元二
日東都合宮六年復置

基隸懷陽郡曰嵩陽入寧嶠置曰穀州南郡○河南府
州八年熊州二陽城永兩州八以熊州貞觀元河南郡
省咸亨年更宜淳元年年州廢之澠池年徙穀○據唐
四年析陽縣曰營奉天以永寧隸之並州來治志河南
河南洛福昌因宮分陽隸熊州析新安六年又屬有伊
陽新安隋宮為城隸氏隋隸熊州置東徙治宜陽縣

光宅元授三年
年曰神析洛陽
都神龍永昌置
元年復來庭縣
曰東都長安二
天寶元年省永
年曰東昌來庭
京上元神慶元
二年罷年復曰
京肅宗河南二
元年復年更洛
為東都陽曰永
○河南昌又以
府河南河南為
郡本洛合宮唐
州開元隆元年
元年為並復故
府屬河名○昭
南道○宗時河
龍紀初南併入

王屋濟各四年復置嵩州貞觀垣縣四陽
源河陽以洛州陽二年元年熊年省東
復置並之壽安省光宅州廢以垣貞觀
置栢崖隸之貞元年復永寧隸元年徙
縣尋省觀元年置萬歲穀州顯穀州於
栢崖先州廢以登封元慶二年澠池縣
天元年福昌永年始更州廢以○屬河
更名河寧二縣名登封永寧來南府河
清以貞隸穀州神龍元屬洛州南郡
觀初縣六年徙年曰嵩○瞻縣
界黃河穀州來陽二年武德元
清為名治八年復曰登年置三
會昌三以虢州封○陽年屬陝
年隸孟之長水城武德州自陝
州尋還隸之顯四年王石塢移
屬後廢慶二年世充偽置鴨橋
咸通中州廢以合王雄八年改
復置屬福昌來降以屬陝州
河南府屬洛州陽城嵩開元十
河南郡○壽安陽陽翟四年移

沿革表

有太和
山伊水
即今伊
陽舊縣
非今汝
州伊陽
也

置祐國洛陽
節度治
焉見方
輿紀要

初隸穀置嵩州置硤石
州貞觀又析三塢石縣
七年來縣地置而舊隄
屬長安康成縣縣為石
四年置貞觀三濠鎮見
興泰宮年州廢方輿紀
並析置省康成要
興泰縣萬歲登
神龍元封元年
年省將封嵩
山改陽
城日告
成神龍
元年復
芝名二
年復為
告成天
祐二年
更名陽
邑載

五代

梁為西據五代
都後唐史職方
為洛京考但曰
晉為西洛陽梁
京漢周唐晉漢
因之見周常以

後唐改據宋史
福昌曰無陽邑
福慶見當廢於
方輿紀五代時
要

初元年
析河南
伊闕嵩
陽置武
林開元
十五年
更名頽
陽更登
封陽城
三縣並
屬河南
府河南
郡

據省志
五代以
陸渾省
入伊陽
屬河南
府蓋五

九口草表

河南府志

卷之二

代亂離
不詳何
代

五代史為都而
職方考已其各
○後唐縣廢置
都此亦析合概
曰東都不詳是
見方輿五代一
紀要 因唐制

也故通
志率謂
屬河南
府於義
亦無礙
今以五
代史不
詳他無
可見者
極關之

宋

仍為西河南洛慶歷四屬京西河清屬復改福屬京西屬京西屬京西宋初伊
京河南陽置年偃師北路河京西北慶日福北路河北路河北路河陽伊關

府至道熙寧六繼氏二南府○路河南昌熙寧南府○南府
三年定年省洛縣並省永安城府○開五年省潁陽慶
天下為陽入河為鎮時太祖父寶元年入壽安歷二年
十五路南縣元參政仲昭武帝從治白縣元祐廢為鎮
屬京西祐初復淹以天葬此曰坡鎮見初復五年復
路熙寧置
五年分
京西為
南北屬
京西北
路見玉
海

下縣邑永安慶省志○並屬京熙寧三
多後眾景德中慶歷四西北路年省入
民貧故割鞏偃年省河南府登封元
首自河師二縣清為鎮○慶歷祐二年
南府省置邑以未幾復四年省復置並
之未幾奉陵寢見玉海壽安為屬河南
悉復見後為永○又宋鎮未幾府
玉海○又志慶歷復見玉
又據宋有南城元年廢海
史地理軍紹興河清縣
志偃師二年岳以温川
慶歷二飛遣諸驛隸洛
年廢四將收復陽
年復與河南楊
玉海省遇復南

並隸河

南紹興

初陞伊

陽為順

州見省

志○玉

海熙寧

中省天

下州縣

伊關當

於此時

廢

縣年有城軍張
異宋史憲復永
後出當安軍是
依玉海也見方
○又宋輿紀要
志熙寧
五年省
便師入
緱氏八
年復置
省緱氏
縣為鎮
縣屬京
西北路
河海府

金

金廢西正隆二屬金昌屬金昌河清舊改壽安省潁陽屬嵩州屬金昌熙宗皇改順州
京府如年省河府 府○改治白波為宜陽入登封見方輿府
故兼置南入洛 永安為金初徙屬金昌屬金昌紀要
德昌軍陽屬金 芝田屬治孟津府○據府
統初改為嵩州
澗池置以在嵩
韶州以嶽西故

興定初昌府
號中京
改為金
昌府

金昌府渡始更省志並
元廢 名孟津以福昌
縣隸德省入宜
昌軍貞陽而嵩
祜三州屬尚
陞為洵有福昌
州旋廢當有一
仍曰孟誤

南村為各治伊
利津縣陽縣領
屬焉 伊陽屬
昌二縣
○省志
領永寧
福昌長
水三縣

元

改為河屬河南屬河南屬河南屬河南屬河南屬河南屬河南屬河南至元八仍嵩州
南府路府路 府路○府路後府路 府路 南府路府路 年廢韶隸南陽
屬河南 廢芝田廢縣置 入鞏縣河洛軍 澗池縣福昌隸
江北行 中書省 府 民萬戶 州屬河元三年
屬河南 府 州屬河元三年
南路 省伊陽
入州十

河南府志卷之二終

河南府志卷之三

星土志 附土圭

星土肇自周官保章氏後世言星土者昉焉而內外傳如裨竈泠州鳩所言儒家頗疑之然終無解於周官星土之說也世傳黃帝推分星次靡得而紀周以來乃頗可考故起自周官下及史志諸星家言凡關河南郡星土者並採入焉而一折中於今法言天官者其謹候此土圭與星土相表裏者也故並志之志星土

周官保章氏以星土辨九州之地所封封域皆有分星以觀妖祥

按註謂大界則曰九州州中諸國之分域于星亦有分焉其書亡矣堪輿雖有郡國所入度非古數也今其存可言者十二次之分如鶉火則周也柳星張謂之鶉火之次正義謂辨九州之地据北斗而言所封封域據二十八宿而說春秋緯文耀鉤云布度定記分州繫象如外方熊耳以至泗水陪尾豫州屬搖星搖星者北斗第七星也

周語武王克商歲在鶉火又曰歲之所在則我有周之分野也

按玉海易氏曰洽州鳩曰歲之所在我有周之分野蓋指鶉火為西州豐岐之地今乃以當洛陽之東周何也周平王以岐豐之地賜秦襄公而其分星乃謂之鶉首又何也遂持以疑分野之說攷左氏傳曰古之火正或食于味或食于心大火也味柳也食于心者則傳所謂陶唐氏之火正居商即祀大火而火紀時者也故商主大火食于味者則傳所謂鄭祝融之墟也鄭至東周後乃立國於祝融之墟其先當文王三分有二時地已

入周禮曰諸侯祀因國之在其地而無主後者則周人固嘗祀祝融矣故曰食于味食者血食也武王克商歲在鶉火乃祭其分野之星而因以占妖祥焉豈王室未東而周乃不主鶉火乎至秦居周之西偏而主鶉首楚居周之東南偏而主鶉尾皆分周之分星而主其占地域與天度自一一相應更不足為疑

星經鎮星主嵩高豫

見續漢志注

按鎮或作填土星故主中州

史記天官書夜半建者衡衡殷中州河濟之間

按衡乃北斗第五星至星經曰七豫與春秋緯同與此異

史記天官書柳為鳥注主木草七星頸為員官主急事張素

為厨主觴客

按注即味合頸素南方朱鳥體也故次以鶉名前漢書與此同但注作喙素作噓

史記天官書柳七星張三河

史記天官書戊巳中州河濟也

按干支分野淮南子謂戊魏已韓周則子也與此異

漢書地理志周地柳七星張之分壑也自柳三度至張十二

度謂之鶉火之次周之分也

見玉海劉向言域分

晉書天文志柳八星天之厨宰也主尚食和滋味又主雷雨

七星七星一名天都主衣裳文繡又主急兵盜賊故星明

王道昌闇則賢良不處天下空張六星主珍寶宗廟所用

及衣服又主天厨飲食賞賚之事星明則王者行五禮得

天之中

晉書天文志星官在二十八宿之外者柳南六星曰外厨厨

南一星曰天紀主禽獸之商稷五星在七星南稷農正也

取乎百穀之長以為號也張南十四星曰天廟天子之祖

廟也

按軒轅十七星在七星北隋丹元子步天歌附二十八宿晉書承史漢天文俱列中宮古法也故不采入

晉書天文志十二次度數自柳九度至張十六度為鶉火子

辰在午周之分野屬三河

費直起柳五度蔡邕起柳三度

按晉志謂班取三統歷十二次配十二野其言最詳又有費直說周易蔡邕月令章句所言頗有先後故志並

及之

晉書天文志州郡躔次柳七星張周三輔 宏農入柳一度

河南入七星三度 河東入張一度 河內入張九度

按郡國所入宿度晉志謂陳卓范彞鬼谷先生張良諸葛亮譙周京房張衡並云

皇甫謐帝王世紀自柳九度至張十七度曰鶉火之次於辰

在午謂之敦牂一名大律於律為林鍾斗建在未今周分

野

按世紀見劉昭注補後漢郡國志兼及星次律度合前班史所取劉歆三統歷晉志所取陳卓景初書並費直蔡邕凡五家互有異同

隋書天文志柳八星天之厨宰也主尚食和滋味又主雷雨

若女主驕奢一日天相一日天庫一日注又主木功星明

大臣重慎國安厨食具注舉首王命與輔佐出星直天下

謀伐其主星就聚兵滿國門七星七星一名天都主衣裳

文繡又主急兵守盜賊故欲明星明王道昌闇則賢良不

處天下空天子疾動則兵起離則易政張六星主珍寶宗

廟所用及衣服又主天厨飲食賞賚之事星明則王者行

五禮得天之中動則賞賚離徙天下有逆人就聚有兵

按占驗史漢志已有之而此益加詳晉索統明天文鄉人從問吉凶統以為攻乎異端茲雖從志采入而不與推論猶前人意也

隋書天文志二十八宿外越東二星曰周

按今儀象志但一星又二十八宿外如柳南七星南張南諸星隋志與晉志同至三宿所占則隋志詳于晉志玉海謂晉志詳于隋志偶誤耳

丹元子步天歌柳八星曲頭垂似柳近上三星號為酒享宴
 大醜五星守星七星如鈎柳下生星上十七軒轅形軒轅
 東頭四內平平下三箇名天相相下稷星橫五靈張六星
 似軫在星旁張下只是有天廟十四之星冊四方長垣紫
 微雖向上星數歆在太微傍天尊一星直上黃

按通志隋有丹元子隱者之流也不知姓氏作步天歌
 見者可以觀象焉王希明纂漢晉志以釋之句中有圖
 言下有象又不言休祥是深知天者然通志於歌之後
 採諸家之書以備其說則又不能不及休祥之事今于
 前志採入二十八宿悉不載節其附二十八宿而見者
 如酒旗三星在軒轅右角之南酒官之旗也主享宴飲
 食五星守酒旗天下大醜有酒肉財物之賜及爵宗室
 軒轅十七星在七星北黃帝之神黃龍之體也后妃之
 主士女職也一曰東陵一曰權星主雷雨之神南大星
 女主也次北一星夫八也屏也上將也次北一星妃也

次將也其次諸星皆次妃之屬也女主南小星女御也
 左一星少民少后宗也右一星大民大后宗也欲其色
 黃小而明也張衡云軒轅如龍之體主雷雨之神後宮
 之象焉陰陽交合盛為雷激為電和為雨怒為風亂為
 霧凝為霜散為露聚為雲立為虹蜺離為背裔分為抱
 珥此十四變皆軒轅主之其星欲小而黃明則吉移徙
 則國人流逆東西南角張而振后敗水火金守之女主惡
 也漢注曰軒轅為權太微為衡月五星守犯者如衡占
 內平四星在中台南燿之北平罪之官也明則刑罰平
 暗則否酒旗南三星曰天相丞相之象也其占與相星
 略同稷五星在七星之南主農正也取乎百穀之長以
 為其號明大則歲大豐不明則儉不見則人相食張南
 十四星曰天廟天子祖廟也客星守之祠官有憂其占
 與虛梁同長垣四星在少微南主界域及敵國火守之
 敵人入國都太白入之九卿謀反少微四星在太微西
 南北列士大夫之位也一名處士亦天子副主或曰海
 士官一曰主衛掖門南第一星為處士第二星為議士
 第三星為博士第四星為大夫明大而黃則賢士舉月
 五星犯守之處士
 女主憂宰相易

唐書天文志自鶉火踰河戒東曰鶉火得重離正位軒轅之
祇在焉其分自河華之交東接祝融之墟北負河南及漢
蓋寒燠之所均也

按唐一行本李淳風以山河分麗兩戒較前史談分野者為詳備曾見許于朱子如唐志所列曰自鶉火踰河戒東曰鶉火者謂南北河夾東井為戒即界字柳七星張乃在其東也曰得重離正位者南方宿也曰軒轅之祇在焉者軒轅在七星北天官書以為黃龍體晉志以為黃帝之神為土行正位寄居南方所謂火為土母也其分野則為今河南地

唐書天文志柳七星張鶉火也初柳七度餘四百六十四秒
七少中七星七度終張十四度北自滎澤滎陽並京索暨
山南得新鄭密縣至外方東隅斜至方城抵桐栢北自宛

葉南暨漢東盡漢南陽之地又自雒邑負北河之南西及
函谷逾南紀達武當漢水之陰盡宏農郡以淮源桐栢東
陽為限而申州屬壽星古成周號鄭管鄆東號密滑焦唐
隨申鄧及祝融氏之都新鄭為軒轅祝融之墟其東鄙則
入壽星柳在輿鬼東又接漢源當商洛之陽接南河上流
七星係軒轅得土行正位中嶽象也河南之分張直南陽
漢東與鶉尾同占

按鶉火之次分初中終以柳占十三度半七星占六度太張占十七度太故初柳七中七星七終張十四也柳接商洛之陽接南河上流當今郡城以西七星係軒轅中嶽象當今郡城以東舊府志謂郡城以東諸城屬于柳居多以西諸城屬于星居多謬矣至張直南陽漢東則今河南郡地不以占

鄭樵通志柳七星張周三輔 宏農入柳一度 河南入七

星三度 河東入張一度 河內入張九度

按通志以三河為河東河南河內自陳卓以來已如此說又攷徐文靖山河兩戒考注謂天官書於柳星張分野不言豫州而言三河者舊以河東河南河內為三河東周之初兼有河內周季止河南一郡若河東自在實沈次中於周何與按禹貢冀州孔傳曰此州帝都不說境界以餘州所至則可知東都王城所在以河洛伊為三河漢世司馬談父子世掌天官而以周之分野屬三河誠有見於三河者為諸州之總會故不得比於列國但係之以一州也如徐注則三河猶言三川北人通呼水為河故洛伊皆得河名史謂鶉火屬三河固不失諸家承襲史記而誤解三河遂致謬誤耳

宋史天文志上台二星在柳北其北星入柳六度武密書三

台屬鬼又屬柳乾象新書上台屬柳

按古惟有中宮不分三垣如軒轅張衡以為黃帝之精下應土宮宜為中州所占而上台在柳北者亦宜占故從宋志採入其他星之見宋志者見後五禮通考恒星中

宋兩朝天文志天市西垣第七星曰周

按星既屬周河南宜入占與前越東二星同

明史天文志柳四度至張十五度鶉火之次也河南之河南府皆柳分

按明史分野乃洪武十七年大明清類天文分野書成頒賜秦晉二王史取其所配直隸分星錄之至神宗時西洋人利瑪竇等入中國精于天文發微闡奧為前此所未有明史掇其要論著于篇今採其有關鶉火之次者如左

十宮星名 黃道經度 黃道緯度 赤道經度 赤道緯度

從春分起算

鶉火	鬼宿一	初度半強	南初度太強	百三三度弱	北二十九度少強
	柳宿一	五度少弱	南五度半弱	百四四度強	北七度弱
	弧矢一	六度半	南五十四度半	百五五度弱	南十四度弱
	帝星	七度太弱	北七十二度太強	百三三度	北十五度太強
	娑南一	八度太強	南五十二度少	百十七度半	南三十一度半弱
	天樞	一十度弱	北四十九度太弱	百平度強	北六十三度太
	弧矢南五	一十二度半	南八度少強	百十七度強	南三十八度太
	天璇	一十四度強	北四十五度強	百平九度弱	北五十八度半弱
	中台一	一十四度強	北二十九度太強	百四八度強	北五十五度弱
	太子	一十五度強	北五度半弱	百三三度強	北七十三度太弱

中台二	一十五度半弱	北二十八度太	百四九度太	北四十三度半
天社一	一十度強	南十四度弱	百二十度弱	南四十五度強
星宿一	一十度弱	南十二度半弱	百二十七度強	南七度弱
軒轅十二	一十四度強	北八度太強	百四十九度強	北三度太弱
軒轅四	一十四度弱	北初度半弱	百四十七度弱	北十三度太強
天璣	一十五度弱	北四十七度強	百七十三度半弱	北五十五度太強
天權	一十五度太強	北五度半強	百七十九度弱	北五十九度強

按志稱崇正初禮部尚書徐光啟督修歷法上見界總
 星圖皆崇正元年所測黃赤二道經緯度後又上赤道
 兩總星圖其說謂常見常隱之界隨北極高下而殊圖
 不能限且天度近極則漸狹而見界圖從赤道以南其
 度度寬所繪星座不合仰觀因從赤道中剖渾天為二
 一以北極為心一以南極為心從心至周皆九十度合

星土志

之得一百八十度者赤道緯度也周分三百六十度者赤道經度也乃依各星之經緯點之遠近位置形勢皆合天象至於恒星循黃道右旋惟黃道緯度無古今之異而赤道經緯則歲歲不同然亦有黃赤俱差甚至前復易次者恒星有古多今少古有今無者又有古無今有者並詳恒星表凡測而入表之星大小分爲六等悉具黃赤二道經緯度列表二卷入光啟所修崇正歷書中志取二十八宿距星及一二等大星存之其小而有名者間取一二列之今登鶉火而併及黃赤道經緯度者以七政所躔必依分野經緯度爲占也 恒星亦右旋乃歲差之由

赤道宿度

周天三百六十度每度六十分黃道同

黃道宿度

井三十一度四十九分

三十度二十五分

鬼二度二十一分

五度三十分

柳一十二度零四分

一十六度零六分

星五度四十八分

八度二十三分

張一十七度一十九分

一十八度零四分

按明史黃赤宿度崇正元年所測二十八宿黃赤度分皆不合於古夫星既依黃道行而赤道與黃道斜交其度不能無增減者勢也而黃道度亦有增減今自井以下採入者爾時井二十九度五十二分已入鶉火也其計度依回法三百六十度與唐九執術宋邵子皇極經世同整度必用三百六十者以其與一歲之日相近每日不及一度成加損之法其實生於零度者也又戴氏震曰列宿循黃道東移其去赤極漸差以赤極爲中而均分之嚮之平者今或轉移而側嚮之側者今或轉移而平則所當度廣側則所當度狹非星距之有變易也所當度隨體勢而殊觀耳又續文獻通考曰明史崇正元年所測各宿黃赤度分皆於古不合固其宜已然自崇正元年至今黃道宿度亦微有不合惟在隨時精測順天求合斯古今不易之良法耳

赤道交宮宿度

黃道交宮宿度

井二十九度五十三分入鶉火 井二十九度五十二分入鶉火

張六度五十一分入鶉尾 星七度五十一分入鶉尾

按明史黃赤宮界十二宮之名見於爾雅大抵皆依星宿而定如婁奎為降婁心為大火朱鳥七宿為鶉首鶉尾之類故宮有一定之宿宿有常居之宮由來尚矣唐以後始用歲差然亦天自為天歲自為歲宮與星仍舊不易西洋之法以中氣過宮如日躔冬至即為星紀宮之類而恒星既有歲進之差於是宮無定宿而宿可以遞居各宮此變古法之大端也又據戴氏謂西法襲星次為界而不知其不可襲梅氏謂天上十二次宮度各實俱亂有待商酌蓋以宮名依天上星宿而定如南方象朱鳥乃名為鶉火今既交宮積而久之必盡變鶉首為鶉火再積而久之南宮朱鳥反為蒼龍西宮白虎反為朱鳥非朱鳥而猶以朱鳥名之知不可矣故既交宮宜直曰午宮不必曰鶉火

又按明史以崇正元年各宿交宮列之至今乾隆四十二年據

本朝七政時憲書太陽以今年六月十八日壬子夜子初一刻五分大暑入午宮十九日起午宮初度一分井二十七度五十分至七月二十一日甲申太陽在午宮二十九度四十六分七星五度三十五分以卯初三刻處暑入巳宮較明史所差已如此

協紀辨方按星經步天歌軍市十三星今十星其積水一星

天稷五星天廟十四星今儀象志俱無天社六星地平上

但見三星老人星在地平下不入圖

按協紀辨方星圖南方七宿分井鬼柳為一圖星張翼軫為一圖今午宮既起井二十七度則河南分野隨午宮而移宜並取古鶉首鶉火之次星圖以占七政之行或疑午位今宮度也鶉火古星次也談分野者從古宜舍今從今宜舍古何得並占之也夫舍今從古則宮度已差七政已移且無所據以為占因知不可從今舍古於古人推測之法亦不合如火正祝融之墟至春秋已千有餘年夫豈無歲差焉而猶食于味乎神聖明禋萬


古常昭以武周大聖人之經營于洛其氣發揚於上為昭明應與分野星宿永承終古又以知從今舍古者之不可也且宮位雖移星宿猶接故並採協紀辨方今星圖自井至柳為一圖星張為一圖凡五宿欲識天官者併候

又按軍市十三星今十星五禮通考謂按今圖止七星不知孫二星上今圖有三星乃軍市星之移而在下者協紀辨方俱入圖而曰十星通考合象圖依之而分圖以為止三星是自相外也晉書天文志野雞一星主變怪在軍市中今軍市既移恐當以旁一明者為野雞不必指在中者為野雞又外厨六星今亦一移在下五禮通考尚仍舊圖與辨方協紀不同


又按西歷法巨蟹宮際參未于辰為午中未初獅子宮起井三十于辰為巳中未初雙女宮起張七于辰為辰中巳初則黃道宮界今法已大異于古所云矣存之以備參考

協紀辨方星圖

井鬼柳



七星張



五禮通考南方七宿恒星摘錄

秦蕙田緝

按五禮通考依康熙甲子測定黃赤經緯度附於圖下而參以歷代史志及諸星家書今採其所錄今測及宋志餘見前者不登而亦以井及張宿為斷

井宿八星

今測井一星黃經六宮初度五十五分緯南初度五十三分赤經六宮一度緯北二十二度三十六分 二星黃經六宮二度二十四分緯南三度零八分 三星黃經六宮四度四十一分緯南六度四十九分 四星黃經六宮五度二十九分緯北二度零一分 七星黃經六宮一十度二十六分緯南二度零七分 八星黃經六宮一十四度

二十三分緯南五度四十一分

宋史天文志漢永元銅儀井宿三十度唐開元游儀三十度去極七十度景祐測驗亦三十三度距西北星去極六十九度

鉞一星

今測黃經五宮二十九度零三分緯南初度五十八分北河三星

今測北河一星黃經六宮一十四度三十九分緯北九度四十五分 二星黃經六宮一十五度五十一分緯北一十度零二分 三星黃經六宮一十八度五十一分緯北

六度四十分赤經六宮二十一度三十一分緯北二十八度四十三分

南河三星

今測南河二星黃經六宮一十七度五十分緯南一十三度三十四分赤經六宮一十七度三十二分緯北八度五十一分 三星黃經六宮二十一度二十九分緯南一十五度五十七分赤經六宮二十度四十四分緯北六度天樽三星

今測天樽二星黃經六宮一十四度零六分緯南初度一十四分

五諸侯五星

今測五諸侯二星黃經六宮一十一度零二分緯北七度四十三分 三星黃經六宮一十四度三十四分緯北五度四十三分 四星黃經六宮一十六度五十七分緯北五度一十分 五星黃經六宮二十度五十二分緯北五度四十四分

積薪一星

今測黃經六宮一十九度一十六分緯北三度零三分水府四星

今測水府一星黃經五宮二十八度三十四分緯南九度

一十五分 二星黃經五宮二十七度二十八分緯南八度四十四分

宋史天文志主隄塘道路梁溝以設隄防之備

水位四星

今測水位三星黃經六宮二十六度一十分緯南七度零五分 四星黃經六宮二十六度五十三分緯南二度一十八分

宋史天文志一曰在東井東北

天狼一星

今測黃經六宮九度四十六分緯南三十九度三十分赤

經六宮七度五十分緯南一十六度一十六分

井宿之屬

宋史天文志案武密書以丈人二星子孫各一星屬牛宿
乾象新書以丈人與子屬參孫屬井又以水府西星亦屬
參武密以水府屬井餘皆與步天歌合

鬼宿四星

今測鬼一星黃經七宮一度二十分緯南初度四十八分
赤經七宮三度二十四分緯北一十九度零八分 二星
黃經七宮初度五十九分緯北一度三十二分 三星黃
經七宮三度零七分緯北三度零八分 四星黃經七宮

四度一十八分緯南初度零四分 積尸氣黃經七宮二
度五十七分緯北一度一十四分

宋史天文志漢永元銅儀輿鬼四度舊去極六十八度景
祐測驗輿鬼三度距西南星去極六十八度積尸氣一星
在鬼宿中孛孛然入鬼一度半去極六十九度在赤道內
二十二度

耀四星

今測耀一星黃經六宮二十七度零九分緯北四度一十
六分

外厨六星

今測外厨一星黃經七宮四度二十分緯南二十三度赤經七宮一度二十分緯南三度一十分

鬼宿之屬

宋史天文志案晉志燿四星屬天市垣天狗七星在七星北武密以天狗屬井宿又屬輿鬼乾象新書屬井外厨六星晉志在柳宿南武密書亦屬柳乾象新書與步天歌皆屬輿鬼天紀一星武密書及乾象書皆屬柳惟步天歌屬鬼宿天社六星武密書屬井又屬鬼乾象新書以西一星屬井中一星屬鬼末一星屬柳今從步天歌以諸星俱屬輿鬼而備存眾說

柳宿八星

今測柳一星黃經七宮五度五十六分緯南一十二度一十七分赤經七宮五度一十五分緯北六度四十五分宋史天文志漢永元銅儀以柳為十四度唐開元游儀十五度舊去極七十七度景祐測驗柳八星一十三度距西頭第三星去極八十三度

酒旗一星

今測酒旗一星黃經七宮一十九度零五分緯北初度一十分二星黃經七宮一十七度一十四分緯南三度一十分三星黃經七宮一十七度零八分緯南五度四十分

分

柳宿之屬

宋史天文志案晉志酒旗在天市垣步天歌以酒旗屬柳宿以通占鏡考之亦屬柳又屬七星乾象新書亦屬柳星與步天歌不同

星宿七星

今測星一星黃經七宮二十二度五十六分緯南二十二度二十四分赤經七宮一十八度零三分緯南七度一十九分

宋史天文志景祐測驗七星七度距大星去極九十七度

軒轅十七星

今測軒轅八星黃經七宮一十三度二十七分緯北七度五十二分 九星黃經七宮一十六度一十五分緯北九度四十分 十二星黃經七宮二十五度零九分緯北八度四十七分 十三星黃經七宮二十三度三十分緯北四度五十分 十四星黃經七宮二十五度二十五分緯北初度二十七分赤經七宮二十七度五十三分緯北一十三度二十九分 十五星黃經七宮一十九度五十分緯南三度四十七分 十六星黃經八宮一度五十八分緯北初度零八分

星宿之屬

宋史天文志案軒轅十七星晉志在七星北而列于天市垣武密以軒轅屬七星又屬柳乾象新書以西八星屬柳中屬七星末屬張天稷五星晉志在七星南武密亦以天稷屬七星又屬柳乾象新書以西二星屬柳餘屬七星天相三星晉志在天市垣武密書屬七星乾象新書屬軫宿內平四星晉志在天市垣武密書屬柳乾象新書屬七星諸說皆不同

張宿六星

今測張一星黃經八宮一度一十九分緯南二十六度一

十二分赤經七宮二十四度零三分緯南一十三度二十九分

宋史天文志漢永元銅儀張宿十七度唐開元游儀十八度舊去極九十七度景祐測驗張十八度距西第二星去極一百三度

按五禮通考云恒星經緯惟黃道緯度終古不變其經度每年東移五十一秒即歲差之根也黃經既移則赤道經緯歲歲不同法當以積年乘歲差得數遞加於黃道經度得逐年之黃道經度次用弧三角法有黃赤距緯有黃緯為兩邊有黃經為所夾之角可求逐年之赤道經緯矣

土圭附

土圭測景遺跡在東都陽城今河南登封地朱子謂

堯典宅嵎夷之屬皆度日景其法至周始備今周公之法不盡傳而傳周髀者猶能言其術且晷景乃後世天官家一要義故並採其事之有涉陽城者粗備其法而論著之附星土後

周官司徒以土圭之法測土深正日景以求地中日南則景短多暑日北則景長多寒日東則景夕多風日西則景朝多陰日至之景尺有五寸謂地之中天地之所合也四時之所交也風雨之所會也陰陽之所和也然則百物阜安乃建王國焉制其畿方千里而封樹之注土圭所以致四時日月之景也鄭司農云測土深謂測南北東西之深也元

謂晝漏半而置土圭表陰陽審其南北景短於土圭謂之日南是地於日爲近南也景長於土圭謂之日北是地於日爲近北也東於土圭謂之日東是地於日爲近東也西於土圭謂之日西是地於日爲近西也如是則寒暑陰陽偏而不和是未得其所求凡日景於地千里而差一寸疏案玉人職云土圭尺有五寸度土之深深謂日景長短之深也正日景者夏日至晝漏半表北得尺五寸景正與土圭等卽地中故云正日景以求地中也中表景得正時東表日已跌矣晝漏半已得夕景故云景夕中表景得正時西表日未中仍得朝時之景故云景朝又注鄭司農云土

圭之長尺有五寸以夏至之日立八尺之表其景適與土圭等謂之地中今潁川陽城地為然又疏潁州郡陽城縣是周公度景之處古跡猶存

按土圭者度地之圭也測土深者測東西南北去中土之深也正日景者正朝夕長短與尺五寸之景也疏謂深為日景長短之深則宜日景深不宜日景深矣又注謂日景於地千里差一寸南戴日下當萬五千里辨在後引隋書唐書中又按李氏光地日景短謂夏景長謂冬景夕謂午前景朝謂午後遂生午後多風午前多陰之說是不知長短朝夕乃指南北東西之日景較之陽城日景言之也是不知以四方之日景求地中也奚可哉

周髀算經春分之日夜分以至秋分之日夜分極下常有日光春秋分者晝夜等春分至秋分日內近極故日光照及也秋分之日夜分以至春分

之日夜分極下常無日光秋分至春分日外遠極故日光照不及也冬至夏至

者日道發歛之所生也發猶往也歛猶還也故日運行處極北北方

日中南方夜半日在極東東方日中西方夜半日在極南

南方日中北方夜半日在極西西方日中東方夜半凡此

四方者晝夜易處加四時相及然其陰陽所終冬至所極

皆若一也天象蓋笠地法覆槃

按周髀之學推天地皆圓周赤道橫帶天腰兩極下半歲為晝夜其地太寒赤道下一歲再冬夏其地大暑惟中國在赤道北時寒燠溫涼焉夫中國既在赤道北則不得為地中周官曰地中者得氣之中也地體渾圓凡周地上在赤道北者各宜為東西南北曷以王城迤東為景夕王城迤西為景朝也據王城晝漏半為言也據王城晝漏謂日景有朝夕可也至東西地去赤道同者風雨陰陽宜若王城曷以王城東則多風王城西

則多陰也中國雖同在赤道北而西北多山東南多水
近山則多陰近海則多風也地體渾圓北極下最高滂
沱四潰而下則中國水道宜自北而南曷以迤西高迤
東下水道自西而東也水地脉也天道左旋地脉右周
陰陽之道也天道左旋而日月五緯右移於天者精屬
於地也地脉右周而風雲在地以西向為正者氣行於
天也蓋天地合四時交凡周地在赤道北者所同而風
雨會陰陽和者惟中國王城為然信矣中國之為地中
而王城又中之中也

隋書天文志劉焯云周官夏至日影尺有五寸張衡鄭元王
蕃陸績先儒等皆以為影千里差一寸言南戴日下萬五
千里表影正同天高乃異考之算法必為不可寸差千里
亦無典說明為意斷事不可依今交愛之州表北無影計
無萬里南過戴日是千里一寸非其實差

唐書天文志太史監南宮說擇河南平地設水準繩墨植表
而以引度之自滑臺始白馬夏至之晷尺五寸七分又南
百九十八里百七十九步得浚儀岳臺晷尺五寸三分又
南百六十七里二百八十一步得扶溝晷尺四寸四分又
南百六十里百一十步至上蔡武津晷尺三寸六分半大
率五百二十六里二百七十步晷差二寸餘而舊說王畿
千里影差一寸妄矣今以句股校陽城中晷夏至尺四寸
七分八釐冬至丈二尺七寸一分半定春秋分五尺四寸
三分以覆矩斜視極出地三十四度十分度之四自滑臺
表視之極高三十五度三分冬至丈三尺定春秋分五尺

五寸六分自浚儀表視之極高三十四度八分冬至丈二尺八寸五分定春秋分五尺五寸五分自扶溝表視之極高三十四度三分冬至丈二尺五寸五分定春秋分五尺三寸七分上蔡武津表視之極高三十三度八分冬至丈二尺三寸八分定春秋分五尺二寸八分其北極去地雖秒分分微有盈縮難以目校大率三百五十一里八十步而極差一度極之遠近異則黃道軌景固隨而變矣

按隋書唐書皆謂千里差一寸之說不可據而唐書又視極星出地以為驗即考工記所謂晝參日中之景夜考諸極星以定朝夕者也晝識景夜考極蓋定南北東西及隨時隨地昏旦刻分故曰以正朝夕周公之法不盡傳參以後代測法知不大相遠耳

王應麟玉海地理志河南府陽城縣有測景臺開元十一年

詔太史監南宮說刻石表焉

唐會要儀鳳四年五月太史令姚元辦奏於陽城測景臺立

八尺表夏至日中測景尺有五寸調露元年十一月十一

日於陽城周公測景所得土圭長丈二尺二寸

按玉海載司馬光日景圖曰日行黃道每歲有差地中當隨而轉移故周在洛邑漢在潁川陽城唐在汴州浚儀而唐志猶取陽城日晷以為法與漢志不同夫陽城去洛邑僅百餘里據會要在陽城即在洛邑本非兩地固不得以周官鄭注為據漢迹言之即唐在浚儀亦一時所置故唐志猶取陽城為法至歲差之說乃恒星差而東日景差而西非日行黃道南北相去之晷景有差也陽城為中國之中在赤道北夏至晷景千古如一其或有異則尺寸異制測術偶乖與歲差何涉而說者謂地中當隨黃道而轉移固未習周髀之術也

宋史天文志沈括上景表議曰步景之法惟定南北爲難古法置槩爲規識日出之景與日入之景晝叅諸日中之景夜考之極星極星不當天中而候景之法取晨夕景之最長者規之兩表相去中折以叅驗最短之景爲日中然測景之地百里之間地之高下東西不能無偏其間又有邑屋山林之蔽倘在人目之外則與濁氣相雜莫能知其所蔽而濁氣又繫其日之晦明風雨人間煙氣塵空變作非常臣在本局候景入濁出濁之節日日不同此又不足以考見出沒之實則晨夕景之短長未能得其極數叅考舊聞別立新術候景之表三其崇八尺博三寸三分殺一以

爲厚者圭首刻其南使偏銳其趺方厚各二尺環趺刻渠受水以爲準以銅爲之表四方志墨以爲中刻之綴四繩垂以銅丸各當一方之墨先約定四方以三表南北相重令趺相切表別相去二尺各使端直四繩皆附墨三表相去左右上下以度量之令相重如一自日初出則量西景三表相去之度又量三表之端景之所至各別記之至日欲入候東景亦如之長短同相去之疎密又同則以東西景端隨表影規之半折以求最短之景三者皆合則半折最短之景爲北表南墨之下爲南東西景端爲東西三候一有不合未足以爲正旣得四方則惟設一表方首表下

爲石席以水平之值表於席之南端席廣三尺長如九服
冬至之景自表趺刻以爲分分積爲寸寸積爲尺爲密室
以棲表當極爲雷以下午景使當表端副表併趺崇四寸
跌博二寸厚五分方首刻其南以銅爲之凡景表景薄不
可辨卽以小表副之視景墨而易度

元史天文志圭表以石爲之長一百二十八尺廣四尺五寸
厚一尺四寸座高二尺六寸南北兩端爲池圓徑一尺五
寸深二寸自表北一尺與表梁中心上下相直外一百二
十尺中心廣四寸兩旁各一寸畫爲尺寸分以達北端兩
旁相去一寸爲水渠深廣各一寸與南北兩池相灌通以

取平表長五十尺廣二十四寸厚減廣之半植於圭之南
端圭石座中入地及座中一丈四尺上高三十六尺其端
兩旁爲二龍半身附表上繫橫梁自梁心至表顛四尺下
屬圭面共爲四十尺梁長六尺徑三寸上爲水渠以取平
兩端及中腰各爲橫竅徑二分橫貫以鐵長五寸繫線合
於中懸錘取正且防傾墊案表短則分寸短促尺寸之下
所謂分鈔太半少之數未易分別表長則分寸稍長所不
便者景虛而淡難得實影前人欲就虛景之中考求眞實
或設望筒或置小表或以木爲規皆取端日光下徹表面
今以銅爲表高三十六尺端挾以二龍舉一橫梁下至圭

面共四十尺是爲八尺之表五圭表刻爲尺寸舊一寸今申而爲五釐毫差易分別 景符之制以銅葉博二寸長加博之二中穿一竅若針芥然以方闔爲趺一端設爲機軸令可開閣楮其一端使其勢斜倚北高南下往來遷就於虛梁之中竅達日光僅如米許隱然見橫梁於其中舊法以表端測晷所得者日體上邊之景今以橫梁取之實得中景不容有毫末之差

明史天文志宣城梅文鼎曰極度晷影常相因知北極出地之高卽可知各節氣午正之影測得各節氣午正之影亦可知北極之高然其術非易易也圭表之法表短則分秒

難明表長則影虛而淡郭守敬所以立四丈之表用影符以取之也日體甚大豎表所測者日體上邊之影橫表所測者日體下邊之影皆非中心之數郭守敬所以於表端架橫梁以測之也其術可謂善矣但其景符之制用銅片鑽針芥之孔雖前低後仰以向太陽但太陽之高低每日不同銅片之欹側安能俱合不合則光不透臨時遷就而日已西移矣須易銅片以圓木左右以兩板架之如車軸然則轉動甚易更易圓孔以直縫而用始便也然影符止可去虛淡之弊而非其本必須正其表焉平其圭焉均其度焉三者缺一不可以得影三者得矣而人心有粗細目

力有利鈍任事有誠偽不可不擇也知乎此庶幾晷影可得矣西洋之法又有進焉謂地半徑居日天半徑千餘分之一則地面所測太陽之高必少於地心之實高於是地半徑差之加近地有清蒙氣能升卑為高則晷影所推太陽之高或多於天上之實高於是又有清蒙差之減是二差者皆近地多而漸高漸減以至於無地半徑差至天頂而無清蒙差至四十五度而無也

按梅氏所論元明測法愈進愈密今陽城有石名量天尺石三十六方每潤三尺六寸合之當即元史圭石之制景氏說高引空同子日郭守敬量天尺樹嵩洛間是也

明史天文志地居天中其體渾圓與天度相應中國當赤道

之北故北極常現南極常隱南行二百五十里則北極低一度北行二百五十里則北極高一度以周天度計之知地之全周為九萬里也以周徑密率求之得地之全徑為二萬八千六百四十七里又九分里之八也凡北極出地之度則四時寒暑靡不同

按五禮通考北極高度即南北里差下東西偏度即東西里差

明史天文志東西偏度以京師子午線為中而較各地所偏之度凡節氣之早晚日食之先後胥視此蓋人各以見日出入為東西為卯酉以日中為南為午而東方見日早西方見日遲東西相距三十度則差一時相距九十度則差

三時相距一百八十度則晝夜時刻俱反對矣

登封志嘉靖間巡按何天衢疏言勅考正測景觀星臺從之

附洛陽為紫微垣說星有經宿又有帝垣皆在天成象者也易曰成象之謂乾效法之謂坤地未有不肖乎天者故黃帝有堪輿經廿八以分野三方以定垣悉兼上下而言之是不得言星宿而不言垣局也洛陽居天地之中為歷代帝王建都之所其名正紫微垣從來遠矣丹元子步天歌曰中元北極紫微宮北極五星在其中其言中元非天中之謂乎又云左樞右樞夾南門兩面營衛一十五上宰少尉兩相對少宰上輔次少輔上衛少衛次上丞後門西邊大贊府門東喚作一小丞以次却向門前數華蓋並杠十二星杠作柄象華蓋形以洛陽形勢考之其郊山翠雲峯即紫微之華蓋西之秦山東之九山南之嵩少諸山則紫微之上少衛上少輔關上少宰及天乙太乙等星也伊闕其前門左右樞黑石關之水口也若夫天河之水貫垣中而斜出尤伊川之顯然可見者矣

河南府志卷之四

疆域志 附保里 形勝

周禮形方氏掌制邦國之圖域而正其封疆採風者歷溝塗焉洛郡虎牢東鎮函谷西封伊闕屬其南大河環其北天心地膽所稱四塞之都傳曰域民不以封疆之界在德不在險也又曰陝以西召公治之陝以東周公治之君其國則子其民也繭絲保障何去何從是在守其疆者周禮遂人之法則有里唐制於戶里之家各為其保皆以固吾圉也故並附焉志疆域

河南府

在省城開封府西四百二十里東至汜水界一百六十里
東南至汝州界八十五里至汝州一百六十里西至陝州
界一百八十里至潼關五百里東北至孟縣界七十里上

覲

京師一千八百里東西廣三百四十里南北廣五百七十里

洛陽縣

在府城附郭邑東至偃師縣界義井舖二十五里至偃師
縣城七十里西至新安縣界磁磗三十五里至新安縣七
十里南至汝州界汝店溝八十五里北至孟津界孟莊三
十里東北至孟津縣大坡口四十五里至孟津縣城五十

里東南至偃師縣界翟鎮四十里至登封縣城一百三十
里西南至宜陽縣界延秋四十里至宜陽縣城七十里至
嵩縣界堆灣六十五里至嵩縣城一百六十里東至省城
開封府四百二十里東北達

京師一千八百里東西闊七十里南北長一百二十里

偃師縣

在府城東西至洛陽界金墉城三十五里至洛陽縣城七
十里東至鞏縣界黑石關三十五里至鞏縣六十里東南
至登封界嵩嶺五十五里至登封縣九十里北至孟津界
叩馬村二十五里至孟津縣四十里渡河至懷慶府孟縣

五十里東至省城開封府三百五十里北達

京師一千七百四十里廣七十里袤八十里

鞏縣

在府東一百三十里東至汜水縣界十里舖三十里至汜

水縣四十里西至偃師縣界黑羊山三十里至偃師縣六

十里南至登封縣界五枝嶺八十里至登封縣一百二十

里北至溫縣黃河界二十里至溫縣二十五里東南至滎

陽縣萬山六十里至滎陽縣八十里東北至汜水縣黃河

界四十里西南至登封界崑嶺八十里至登封縣一百一

十五里西北至孟津縣界周家山七十里至孟津縣八十

里東至省城開封府二百九十里北達

京師一千八百里廣一百里袤一百二十里

孟津縣

在府城東北五十里東五十里居平原廣五里許西五十

里居山廣二十里東至鞏縣界李家溝四十里至鞏縣城

九十里南至洛陽縣界上古郵三里至洛陽縣城五十里

東南至偃師縣四十里至登封縣一百四十五里西至新

安界楊四集六十里至新安縣城一百二十五里西北渡

河至濟源縣七十里北渡河至孟縣四十里東至省城開

封府三百八十里東北達

京師一千七百五十里南北廣十五里東西長一百三十六里

宜陽縣

在府城西南七十里東北至洛陽縣界延秋三十里至洛陽縣城七十里東南至嵩縣界朱店四十里至嵩縣城一百二十里西至永寧界掘山村九十里至永寧縣城一百一十里西北至澠池界藕池八十五里至澠池縣城一百一十里北至新安界留村二十五里至新安縣城五十里東北至省城開封府四百九十里北達

京師一千八百七十里南北廣七十里東南袤一百五十里

登封縣

在府城東南一百二十里東至密縣界牛兒店四十五里至密縣城七十里西至偃師界大口村六十里至偃師縣城九十里南至汝州界戒牌寺六十里至汝州城九十里北至鞏縣界瓦屋川四十里至鞏縣城一百十五里西南至洛陽界范村一百一十里至洛陽縣城一百三十里西北至偃師界叅駕店三十里至偃師縣城九十里至孟津縣一百四十五里東至省城開封府三百八十里由舊縣渡河達

京師一千八百里東西廣一百六十里南北袤九十里

永寧縣

在府城西南一百八十里東至宜陽界黃家埕二十里至
 宜陽縣城一百一十里西至盧氏界十八盤坡一百二十
 里至盧氏縣城一百六十里南至嵩縣界界嶺八十里至
 嵩縣城一百四十里北至陝州界頭峪六十里至陝州城
 一百六十里東北至澠池界杜氏村八十里東至省城開
 封府六百里東北達

京師一千九百八十里東西廣一百四十里南北袤四十里
 新安縣

在府城西七十里東至洛陽界孝水鋪四十里至洛陽縣

城七十里西至澠池界鷓店三十五里至澠池縣城五十
 五里南至宜陽界留村二十五里至宜陽縣城五十里北
 至濟源縣界狂口鎮六十里東至省城開封府四百九十
 里東北達

京師一千八百七十里東西廣七十五里南北袤八十五里
 澠池縣

在府城西一百六十里東至新安界鷓店五十五里至新
 安縣城九十里至洛陽縣城一百六十里西至陝州一百
 四十里南至永寧縣一百里北至垣曲縣一百二十里西
 至潼關三百四十里東至省城開封府五百八十里北達

京師一千九百六十里廣九十里袤一百二十里

嵩縣

一在府城西南一百六十里東至伊陽界棗林坪六十里至伊陽縣城九十里東北至洛陽界嵎灣九十五里至洛陽縣城一百六十里東南至魯山縣界十方院一百八十里西南至盧氏界雙殿一百七十里至盧氏縣城三百里北至宜陽界穆冊關七十里至宜陽縣城一百二十里南至永寧界梁王頂界嶺一百一十里至永寧縣城一百四十二里南至省城開封府五百八十里北達京師一千九百六十里東西廣二百八十里南北袤二百九

十里

附保里

按保里悉載舊志數十年來無所改易故悉仍之

河南府洛陽縣八十六里

東南隅三里府學街奎樓水濤范三門巷豆腐巷水道口和巷表背匠衙衙舊學有集
 西南隅二里內有南察院三府街府下坡温家街姚家園馬王廟城隍廟舊府下坡有集
 西北隅三里府西為香巷分守道西為小倉衙衙再北為關帝廟同王街馬軍營同營後劉街稔米巷玉皇廟衙衙等處舊同王街關帝廟前有集
 東北隅三里縣前為迎恩巷東為申家井水窰街鞍子巷僉王街袁家街蓮花寺即蓮花池或謂蓮花池即古狄泉實非也舊僉王街迎恩巷皆有集
 東關四里瀍橋之西北曰關口南曰新街翟氏皆家於斯大街今之縣學乃舊法祥寺門前為大隆岡再東為二隆岡銅駝巷即索靖興歎地火燒街即古夾馬營有太祖廟朱太守祠賈太傅祠曹節婦祠闞白劉三賢祠

疆域志

保里

灑東書院內有夫子伯魚子思三像嘉靖間毀文廟泥
 像庠生孟大智着纒經行車前痛哭如喪親狀苦留三
 像今祀於此大街之南名石堰頭有商阿衡元聖廟洛
 神宓如廟東關新街火燒街等處舊各有集
 南關二里內有鐵鍋巷院衙街乃平康巷也演武場馬
 市街飲馬衙衙竹杆巷舊南門口鐵鍋巷有集
 西關一里內有四龍廟小西關麻鞋巷大西關鎖市灣
 鹽店口靈官廟斜色街方家莊西壇街此地半係軍地
 為衛出租舊大小西關俱有集
 金水保二里在縣西北二十里金水經此保內故名曰
 金水河史家灣霍村王祥河即晉太保卧冰者有墓在
 孝水北印山上
 谷水保四里在縣正西內有唐家屯寨裏村尤家溝菜
 園頭五龍溝七里河保中多膏腴田舊谷水有集
 陳昌保六里在縣西南角內有提家莊慕家莊下莊南
 寨吉家寨歐家寨李村毛家村上下油趙村袁村耿家
 溝上下牛家溝東西宋家溝土門溝陳家溝黑龍王廟
 八羊坡胡家堽石壩里楊鐵河水磨頭武家屯保內南
 寨李村黑龍廟為洛中上腴地
 平樂保二里在縣東北二十里漢晉平樂館平樂觀即

其地也是里惟郭氏一族科第蟬聯為洛望族南有象
 庄竹園潘家村尤家村棗園村張盤村小倉村馬家村
 大驢村田家村孔家村潘家村孫家村張家村靳家寨
 酒家庄新庄墳裏雞店呂家廟賀家廟馬家坡上國繇
 馬象崖分金溝相傳管鮑分金在此平樂象庄繇店舊
 有集
 鳳凰保四里在縣東北二十里保內有油房庄白鹿庄
 護駕庄送駕庄留駕庄坨墘庄朱家溝周家窪閻家窪
 賀家墳瓦店張揚村李家村東長牛馬步西長牛馬步
 南十三伯樂窪相傳馬伯樂居此白鹿庄唐太宗獲白
 鹿於此故名
 東侯保四里在城西南二十里保有霍家屯徐家屯青
 陽屯范家灘姓李家大李家屯有集魏家屯劉文靖公
 之先塋在焉其塋後枕洛水有石一路從水底舖過名
 曰黃龍磧劉塋適當其處後復遷塋於印山之麓
 西侯保三里在城西南二十里保內有負庄村漫坡村
 小作村坨墘村鐵溝村東坡村石橋村元劉村一坡村
 二郎廟燕家溝袁家溝梁家溝牛家屯軍屯殷家屯李
 王屯新庄楊家庄山底樓子頭油房頭胡家寨常家川
 小營姚家營蜂兒李家寶豐寺蓮花寺黃龍廟劉文靖

本東侯保人
 水南保二里在城南十里保中有桃源鎮京樓即前代
 避暑宮水磨村即雲臺故址望城岡白廟村宋家村鐵
 獅街樓霞宮李家樓新庄午橋庄綠野堂獨樂園安樂
 窩皆在其內
 建春保三里在城東南二十五里內有諸葛村相傳諸
 葛誕仕衛居此司馬庄即溫公故庄有裴村裴遵慶居
 此故名今其地有廟存焉外有藁家庄及東西道棧清
 風嶺上有漢高祖廟
 康家庄保三里在縣南十里保內有龍門鎮皂角樹村
 劉甫庄八里堂大屯石人村二郎廟五郎廟陳家庄沈
 家庄白塔村城角村車家圪塔關帝塚龍門大屯有集
 偏橋保五里在縣東南三十里內有聖王廟村二教塔
 村白龍潭村東龐村劉村龔家庄西王村劉李村杜
 家村幹村九女塚新庄蕨山寇店沙溝窑溝臚家屯武
 家屯羊皮屯賈家坡陳家窩朱家窑袁家溝偏橋寇店
 有集
 碑樓保六里在縣東南二十五里保內有門家庄小店
 水磨保潘家寨潘美屯兵處孟家寨孟良屯兵處焦家
 寨焦贊屯兵處大郎廟點家寨家寨寧家庄田村楊

家庄東西大徽相公庄呂文穆故里有窑與井焉黃家
 庄高院墻堦王村東西石橋酒務頭奠城庄河南村關
 家庄有關子明墓翟家庄洛中諸鎮此為第一翟家庄
 奠城庄潘家寨有集
 延秋保三里在縣西南四十里保內有三山村苗家灣
 潭潭村大后廟白家營興都營龍池溝延秋鎮有集
 杜村保二里昔杜康宅在洛陽城西阜所謂杜康村也
 內有西窑裏塚頭村金谷園即石崇別墅張家嶺董家
 村車院頭西陸溝土門栢樹溝南河崖五女塚草場村
 李密保二里在縣東二十五里緣李密竊據金鋪城故
 今以之名保也內有天皇嶺四女碑龍虎灘金村白馬
 寺酒家庄趙家村小翟家庄
 彭婆保三里在縣南四十里保內有彭祖母墓故名內
 有馬盤溝李家寨銀王溝申家舖梁店嶺黑龍溝南衙
 奠穆家溝郭家窑曲澗河張家庄高家屯草店彭婆鎮
 有集
 范村保三里在縣南五十里保內有蒿里山焦王村陳
 家嶺艾河窑吳家堂閻家圪塔陳村孫家嶺寶村盧家
 坪兩劉庄孝村村頭溝內竹一叢出笋早于他處土人
 謂孟宗泣笋遺蹟故名姑從其說

府店保二里在縣南六十里伊水之西有二程夫子墓
相圪堵有文丞相墓漢鵬嶺西水牛溝大水窑小水窑
有集

姬磨二里在縣南六十里伊水之東保內白沙為東南
巨鎮上中下天王院石家庄胡家庄雷村樊家村文家
村宋家村徐家村曹家村蔚家村廟張村趙家村韋家
村水南寨王家寨張員庄前衙姬磨鎮白沙鎮有集
唐家庄保二里保內有魏家灣郭家寨槐樹頭窑底泥
澗閣店平泉庄卧牛城馬營坡大郎廟井家窑
上店保四里古有上商里今上店其故地也保內有上
下二苑河南村東西小番東西達宿長店村水泉村後
河村猪龍嘴村櫻桃溝半坡村崔家溝高家溝韓家井
上清宮村前
後海子村

偃師縣舊為二十四里順治初知縣王珽申請歸為五里
曰仁義禮智信每里又各為上下以統屬村鎮大牙繡
錯有時改草各地方所領紀之

東曰樂義人和忠義石家庄地方四村共十一東南曰
許家庄和合壽霽良義營毛萬安王良府店參駕店地
方八共村五十一
南曰仁義通乞堵孫家坡翟家寨地方四共六十五村
西南曰古縣鎮段家灣午岔密寨程子溝大屯高龍大
口鎮復合地方九共九十七村西南曰馬圈王家庄趙
家庄尚家庄佛輓柿園圪堵頭二里頭喂羊庄小喂羊
庄谷堆堤兔頭地方十三共村四十七
西曰齊郭庄永合新寨鎮紙庄苗庄義井舖地方六共
村十九西北曰瑤頭杏園溝口頭土樓蔡庄石橋保駕
庄省蔡庄丁門口地方十共村三十二
北曰北瑤村三合地方二領村十二地方五十有六村
庄三百三
十有四

鞏縣舊設二十里今歸併十里

坊郭里坊趙里神堤里神石里孝石里孝羅里羅堤里
羅元里原蘇里蘇村里
莊東曰李密保東北曰平樂保鳳凰保東南陳昌保康
庄保碑樓保建春保偏橋保水南保

正西曰谷水保西北杜村保金水保西南東侯保西侯
 保延秋保唐庄保
 正南曰彭婆保范村保姬磨保府店保
 正北曰上店保共七百五十一庄村三萬九千七百三
 十二戶鄉總八十九
 名保長三百九名

孟津縣舊編戶一十有八今省為六

一曰東烟即馬村小寨村舊縣鎮花園村瓦塌坡丁家
 村宋家溝
 二曰即馬李家臺獅子廟暢家村朱家溝小集鎮清火
 店徐家村鐵壚村呂家村雙槐鎮苗家溝李家庄潘家
 營邵家村
 三曰負圖野雞村劉家村下古鎮傅家村郝家村大張
 三和家廟劉家村水口村李家河靳家村李家塌趙峪
 村陳家河郭家村張家村
 四曰漢陵石家村鄭家河衛家口雷家河梁周村東家
 碾負圖馬庄油坊鎮梁家村李家河蔣家村趙家村謝
 家村孟家河
 五曰柿林子家村牛庄村周家村蜂王種崔家村范村

王家溝七里頭四塚 村山底村楊家庄菜園村白坡鎮
 邢家院堡子村平庄 院村王家庄侯家庄柿林村雷家
 六曰河清長秋村馬 院村李家塌大陽河田家溝王家灣
 庄孟庄陳家凹保障 村李家村廟後村盛家村河清村
 石坂溝高家樓相留 村達宿村廟後村盛家村河清村
 栢樹村馬家屯小狼 底文公村索落溝寒亮村洪水村
 賣家庄關家庄上院 村
 袁家庄清河口妯娌 村

宜陽縣舊制五十八里至明季已歸併僅存二十八里康

熙十二年知縣黃繼祚奉文歸併止存一十二里

曰高坊里曰東福里曰壽安里曰順合里曰龍合里曰
 上和里曰西城里曰韓城里曰官崇里曰北均里曰石
 安里曰閑和里又有康熙八年安插福建投誠官兵三
 百七十二名每名給荒地五十畝令之墾種另立一里
 曰關合里有墾兵逃故將原給地募民頂種輸糧
 曰代耕里併河南宏農二衛俱在十二里之外

登封縣舊額三十六里今歸併為十里

大唐里隸唐莊天中街新店馬跑村焦河玉臺五度韓家村于家村楊庄馬河磨兒溝
 盧劉里隸盧店景店劉碑東西施村崔家岡五司洞頭庄頭史家溝柿行山溝
 大冶里隸大冶薄稅溝香山寨弋家灣吳家庄鍾家樓岳家樓沁水景家灣娘子臺
 曲高里隸告成曲河蔣莊費庄廟庄馬峪烟庄八方竹園水峪石羊關玉溪
 金店里隸大金店寺庄安家廟顧家河界頭駱筵袁家村油房頭龍尾溝
 王石里隸王上砦崔家樓後河送表段家村椿樹庄石道海子李家灣栗家砦翟峪溝
 榆柳里隸頌陽錢家嶺胥店漳霍響水潭常家砦柳巷郭家嶺范家堂
 榆西里隸江左河段家村嘴兒王家村魏王家砦半坡村温家村孫家村晉家庄
 呂店里隸丁流温家溝九凹王村菜園呂店于家集楊家溝葉家砦黃龍廟
 在城隍隸城內東西兩關邢家舖耿家庄南店庫庄范店高隸桃園高家庄玉皇廟

永寧縣舊為六十里今總為四鄉十二里

太平鄉在縣西計三里曰王范里東仇里馮西里長淵鄉在縣西北計一里曰底張里
 福田鄉在縣西南計二里曰樊村里陳宋里德化鄉在縣東北計六里曰王趙里原村里冀庄里吳村里大宋里陽坡里

新安縣原設十八里順治初歸併為六里康熙間仍復為

十八里俗以保名牌遂相傳牌甲保正領之又以名甲

有里甲里長之名今里甲更曰里書保正更曰保地

舊六里曰方羊盧官界曲自張大水大張今十八里前九里曰坊一坊二羊義蘆院官庄趙一趙二界一界二後九里曰白一白二張庄曲城水一水二大一大二大三保凡四十八後增至五十三今區為七路合城關鄉村凡二百四十三戶凡一萬二千九百五十一

澠池縣明洪武年間編戶為三十里嘉靖年間併二十五里每里十里 國朝因之

坊東里坊中里坊西里李西里長東里長西里李東里高東里高西里付東里付西里城東里城西里劉東里劉西里峪東里峪西里竹東里秦東里秦中里秦南里伍東里伍中里南東里南西里

舊裁五里 並附

伍西里桃東里桃西里竹西里竹中里

嵩縣舊設五十九里今歸併十里乾隆六年知縣徐璣增

三里三十年知縣康基淵分舊縣置太和共十四里四

十保

城府里攝南街北街西南關東關四保
三塗里攝三塗須亭高都趙村源頭五保

豫洛里攝无理樊川二保

義睦里攝西巖石碣二保

和樂里攝田湖燕王花廟古城溫泉五保

鳴臯里攝樊村新營鳴臯石碣四保

莘渠里攝莘渠保

阿衡里攝莘樂寺上二保

永定里攝寺庄保

順樂里攝常峪一保

舊縣里攝左峪大章奄峪舊縣四保

都湖里攝陽下樓關白土街潭頭羅村五保

太和里分舊縣里置攝汝河東村孫店白河官庄柳林

六保

建興里地畝錯列各別共鄉約三十七名地方四十名保正五十名

附形勝

逸周書周公將致政乃作大邑成周于土中城方千七百

二十丈郭方七百里南繫于洛水北因于邠山以為天下

之大湊

周禮註周公營邑于土中大司徒之職曰天地之所合也四時之所交也風雨之所會也陰陽之所和也

左傳四岳三塗九州之險

史記周本紀南望三塗北望嶽鄙顧詹有河粵詹伊維

漢書翼奉傳左據成臯右阻澠池前鄉崧高後介大河

漢書偵殖傳三河居天下之中若鼎足

班固東都賦平夷洞達萬方輻奏又帶河沂洛圖書之淵

文選三都賦峭函有帝皇之宅河洛為王者之里

張衡東京賦沂洛背河左伊右瀍西阻丸阿東門于旋盟

津達其後大谷通其前迴行道乎伊闕邪徑捷乎轘轅

馬融廣成頌右轡三塗左概嵩嶽

傅毅洛都賦被崑崙之洪流據伊洛之雙川挾成臯之嚴

阻扶二嶠之崇山

張華博物志周在中樞而阻嶠谷東望荆山南面少室北

有大嶽三河之分風雨所起四險之國

唐書太宗紀洛邑土中朝貢道均

孔穎達集洛陽處澗瀍之中天地交會北有太行之險南

有宛葉之饒東壓江淮食湖海之利西馳嶠瀍據關河之

勝

宋史地理志洛邑為天下之中

陳建建都論按古今天下大都會有四然論時宜地勢盡

善全美則皆不如洛陽夫建都之要一形勢險固二漕運

便利三居中而應四方必三者備而後可以建都惟洛陽

三善咸備

李濂通志洛陽縣

附郭

偃師縣

景山並印鄂之秀碾河達伊洛之流

鞏縣

東接成臯

西連

孟津縣

東連鞏洛西連穀城

宜陽縣

南眺屏山北臨洛水

登封縣

石羊關阻其東

玉寨山鎮其西南扼太

永寧縣

熊耳北聳鳳翼西舒

新安縣

右阻鐵門之險

左距青

澠池縣

前列峭嶺後據韶山

嵩縣

三塗屹峙於西南陸渾盤旋於東北

河南府志卷之四終

河南府志卷之五

建置志一

建置與沿革相表裡有表以析之矣然規模之廣狹制

度之疎密今古或殊不能悉脩且城池官廨凡所以衛

民而聽政者皆建置所尤先者也

國朝多因前制亦復有沿有革是又不可不詳核而彙錄之

也周官云先王建邦設都體國經野以為民極雖在郡

縣亦重矣哉志建置

城池

洛陽縣附郭

河南府舊城始於周公營洛卜澗水東瀍水西所謂王城

也秦置郡縣縣治則在成周所謂故洛陽城也東漢魏西晉元魏皆都於此至隋煬帝大業元年大營東京名曰新都周迴七十三里西占王城東越瀍澗北踰谷水時三水俱引注宮城南臨洛水四面開十門乃移縣治古洛陽故云於光通坊隋以後洛陽縣治在王城即今城中也唐穆宗長慶二年增築之仍建十門門各異名俱詳古蹟唐末摧圮殆盡五代周世宗顯德元年命留守武行德葺之宋景祐元年以王曾判府事復加修築金元皆仍其舊方之周都縮五之四擬之隋唐東南一隅耳歷代俱土垣明洪武元年始置河南衛守之六年明威將軍陸齡砌以甃

石濬以壕塹周圍八里三百四十五步高四丈基廣如之壕深五尺闊三丈復城門為四東曰建春西曰麗景南曰長夏北曰安喜城之四門上覆重樓外築月城又構角樓四座敵臺三十九座固守之畧于是始嚴成化宏治間指揮張傑王臣相繼修葺治壕正德六年流寇起隣郡知府胡鍵重修知府劉璣復疏城壕深闊倍昔又引瀍澗二水灌壕築堰以資防禦七年三月始築攻三日不得渡城保無虞萬歷初年蒲坂楊俊民來分守督縣衛脩輯改四城樓東曰長春南曰薰風西曰瑞光北曰拱辰日久傾圮崇正四年知縣尹洗楊四重謀

于士民共輸銀三千餘兩委庠生張秉厚董其役歷二年餘功竣值流寇渡河窺城者四民得恃以無恐未幾楊以行取去繼任者劉宏緒復于壕邊環以欄馬牆一匝高一丈長一千五百六十八丈五尺又濬開口引瀍水入濠幾復正德辛未之舊郡守王印長以寇屢薄城關廂擾害與宏緒議郭外築土城一道延袤三十三里高一丈三尺闊一丈居民賴之崇正十四年正月流寇至環攻二十日城陷知府亢孟檜王印長通判白守文訓導張道脉鄉紳呂維祺等死之

國朝順治初知府趙文蔚草創修築僅完西面六年知府金本重復修以明福藩廢府碑甃甃砌佐之三面俱完四門四維建八樓堅聳視昔有加康熙四十四年知府趙于京知縣吳徽重修南門月城建樓于上又改東門額曰迎恩四十六年署府趙光榮修東門建城樓六十一

年知府劉天爵知縣魯汝爲修西門建城樓額曰萬安修北門建城樓額曰長慶雍正六年知府張漢知縣王燾興修南門額曰望塗乾隆三十七年知府傅爾瑚納知縣王宇修

偃師縣城史稱周武王息師之後所建故名周圍六里八十四步高三丈厚一丈三尺池濶一丈五尺深入八尺門

四東曰懷嵩西曰瞻洛南曰迎僊北曰望京門樓各三楹四隅各置敵樓六所舊志云卽武王息兵所築之城也明洪武二十一年知縣汪可行增築高僅一丈五尺厚丈餘成化十九年知縣李厚修正德六年流賊寇河南知縣朱暉重修高厚俱增於舊嘉靖三十二年大水泮沒幾半知縣王表重修崇正間流寇猖獗知縣夏士譽爲捍禦計砌以磚石十五年流賊數千薄城下知縣徐日泰率上民戮力捍禦力竭城破日泰死之賊恨其不降并屠之

國朝順治二年知縣王埏九年知縣魏惟紫重修十五年知

縣艾元復易木門爲鐵裏康熙二十八年知縣王澤長重修城樓護城堤防周九里十三步西北曰白虎堰先是元元統間築以捍卬山二龍溝水永樂間王簿劉守義正德間縣丞楊得春嘉靖間知縣林萬里縣丞韋挺秀重修東南曰王公堤隆慶間知縣王環築以禦伊洛泛漲因名與西北堰環圍縣城如抱康熙五十年知縣蔣如昇重修乾隆七年朱續志重修增高三尺增厚二尺底濶三丈頂濶七尺高一丈六尺植柳二千二百三十四株乾隆二十六年伊洛泛漲大水入城雉堞傾圮始盡二十七年知縣耀德重建修

鞏縣城始建未詳周圍七里四十八丈高二丈濠塹深八尺明景泰六年縣丞趙昇修築成化十四年知縣柯忠重修正德七年流賊攻燬分巡道翟鎬督修之嘉靖二十二年水復浚頽知縣周泗增修萬歷十三年分巡道丁惟寧檄加磚石知縣李再思汪本英先後修周圍角樓三座窩舖墩樓三十座門五東曰迎恩西曰瞻洛南曰玉川又曰望嵩北曰納洛其一小東門蓋舊城東門也地勢卑下一遇黃河水漲則浸浚入城萬歷四十年知縣程宇鹿擇城垣高處另開一門又築土堤五百丈以衛城脚城上建磚石高樓一沿城加修倍異前制崇

正十年知縣宋文瑞復增高五尺十六年流寇攻陷傾圮

國朝順治六年知縣徐樑修補康熙二十年知縣蔣徵猷復加磚石增修四十八年六月大雨連旬黃冶山水並清洛暴漲城幾傾知縣多時琦冒雨搶救幸保無虞復栽柳樹百株以護城第東門逼近洛河每值山水奔騰洛川泛溢大溜灌入城門官舍民居多受其害多時琦復築甕城圈門兩邊鑲石制木閘水不得入城內特以無恐乾隆九年奉文領銀補修城垣週圍以工代賑知縣邱軒昂督工修之

孟津縣城舊在縣東二十五里嘉靖十七年圯於水遂遷
 今所周圍四里七百九十七丈六尺高二丈五尺廣一
 丈五尺池深一丈廣倍之門四曰東暉曰南薰曰西成
 曰北拱明嘉靖壬戌河決舊縣知縣易詔具詳巡撫簡
 霄上其事詔改遷之明史地理志今治本聖賢莊始為
 土城其卜地者郡守黃烱綜理者郡判韓漑宜陽尚書
 王邦瑞作碑記萬歷間知縣周賢王堯弼相繼修崇正
 九年知縣張爾葆始易以磚庶民趨工有靈城靈塚之
 頌邑尚書王鐸作記十四年流寇陷城雉堞盡毀
 朝順治六年知縣宋宏道捐修復創建四門城樓十五年

知縣孟常裕增修康熙三十年知縣高嚴重修
 宜陽縣城後魏置縣始建明景泰元年知縣徐秩重築周
 圍四里許西較長而西北頗削其形似船故名船城高
 二丈二尺有奇厚丈餘池一丈五尺五門東曰迎暉西
 曰迴光南曰挹秀北曰觀瀾又學宮前一門曰通賢門
 南距屏山數步北去洛河半里語云宜陽城小而固謂
 在山水之間如舟之繫于岸也成化十年知縣趙英增
 修叅議喬縉作記舊土城正德七年知縣甘景正
 始築以甃嘉靖二十六年知縣丁育才重修崇正六年
 秋霖雨城頽數十處知縣史洪謨葺之十三年闖逆克

宜陽墮其城次年主簿陳五德修之

國朝順治五年知縣羅爾重修十六年夏六月霪雨復頽知縣王開印葺之乾隆二十七年知縣趙成修

登封縣城始築未詳周圍不滿三里高一丈五尺廣如之池深八尺濶一丈明景泰元年布政使豐慶以南城逼於學宮拓而大之凡百餘步正德九年知縣李居仁重修萬歷三十九年知縣傅梅依故雉易以堅甃計六百四十九丈起四門樓立四角亭闢四門而高之東曰春雨南曰黃離西曰鴻澤北曰萬歲北樓崇正十四年毀于流寇知縣鄧廷誨死之是年知縣劉裡修葺十六年

復毀于寇知縣劉裡死之

國朝順治三年知縣高岫五年知縣張朝瑞相繼修葺乾隆九年知縣施奕簪重修復浚池廣一丈五尺深一丈乾隆二十七年知縣邱峩重修

永寧縣土城相傳秦置縣始建周圍四里一百七十步高二丈五尺女牆七尺廣一丈濠深一丈廣三丈門三東曰迎恩南曰中和西曰普安明洪武二十年重建置百戶所守之正統十年縣丞于淵嘉靖三十二年知縣張守愚相繼修隆慶五年知縣高一登重修雉堞甃以甃崇正十三年流寇攻陷城毀

國朝順治九年知縣程萬善重修康熙二十五年知縣佟賦
 偉重修雍正七年知縣郭潔修葺乾隆十年知縣單履
 咸重修二十七年知縣金光琦修

新安縣土城漢高帝元年始建明洪武初重建周圍三里
 三百一十步高一丈有奇廣如之負山面山池故不置
 嘉靖三十年知縣劉登重修萬歷間知縣王鉉始創建
 以磚石凡工價皆自辦毫不累民功未竣報陞繼知縣
 劉懋修完之崇正九年知縣傅明遠同邑尚書呂維祺
 移北城之西半跨慕容山巔名曰新城於新城之東
 闕闢二門曰北斗東門又於正北建一樓以為瞭望之

所全城內外皆可悉照東西原四百九十步加八十五
 步四圍皆磚砌高二丈五尺十三年流寇破城十四年
 三月嵩縣土寇復破城十月流寇又至樓堞悉平磚基
 傾頽

國朝順治十三年知縣俞遜修東月城重整關鍵方得啟閉
 康熙六年知縣范謔取新舊城傾頽之磚補葺舊城雉
 堞屹然乾隆二十六年秋霪雨壞四十餘段二十七年
 奉委澗池縣知縣周燠購料鳩工修復全城之半旋即
 事知縣陳宗溥接任拆取慕容山新城之北斗門磚石
 續修完工周圍六百八十一丈堞頭一千二百七十一

堵門樓七東曰瞻洛西曰通陝正南曰浴澗正北曰風
 懷東南曰聚魁西北曰超雲東西月城舊亦各有樓乃
 明嘉靖三十七年知縣盧大經創建四十四年知縣王
 訓重修

澗池縣舊城相傳藺相如廉頗守秦時所建周圍八里許
 西漢置縣始築明成化十一年知縣張訓重築南距澗
 水池故不置正德嘉靖間知縣王鑰陳綬安璋相繼修
 葺洛陽翟珊作碑記崇正十年流寇兩陷澗城焚毀署
 縣事靈寶訓導袁登甲據生員李成龍等呈以澗池南
 瀕澗河一遇泛漲卽爲衝損久無完堵兼之城濶人寡

翔守維艱申文截去西城一半僅存三分之一崇正十
 二年知縣牛藩完城浚壕復東西二門各建樓

國朝順治二年知縣潘沂七年孟國英十一年知縣張璟相
 繼修理康熙七年知縣鄧琪蔡十五年知縣陳愚相繼
 修二十五年知縣劉亨嘉建見山樓高三層雍正十二
 年知縣文昭修乾隆十年知縣梁易簡補修二十七年
 知縣周堉修

嵩縣城卽漢高都城見括地志水經注秦置新城舊志云故址廣

袤二十里兩漢晉魏因秦之舊並置陸渾南北朝迄隋
 唐專治陸渾伊闕或其時新城廢圯歟宋伊陽縣在今

舊縣紹興初陞為順州金改嵩州治今城元嵩州屬南
 陽府明洪武二年降為縣來屬指揮任亮鎮嵩州始議
 改築三年委守禦所千戶江亨就東北一隅結磚為城
 西北跨山阜週五里一十三丈高二丈有八尺壕塹深
 一丈五尺徑五丈三尺宏治間知縣傅汝礪鄧鎮崇正
 間知縣何復相繼修葺十四年流賊破嵩平其城
 國朝順治三年知縣劉興漢修築高深如舊制尚無梁口十
 一年知縣趙景融增修女牆十七年楊厥美增修城樓
 各三楹康熙五十八年知縣周中培因警戒嚴大加繕
 治雍正十二年北城坍塌數十丈知縣戈錦修乾隆二

十七年霖雨傾圮十八段知縣郭鉉俊重修三十年知
 縣康基淵復浚高都河轉西趨下以護城北至今仰金
 湯焉

河南府志卷之六

建置志二

公署

附驛站 戍墩 津梁

河南府署舊在洛水南今徙水北元時洛陽路總管葺治
 在城內大街明洪武元年建天順元年重修居中大門
 啟建高臺三丈許上有中州勝概樓三楹砌以磚石巍
 峩聳觀門內樹戒石碑正中太守公廨堂名第一取吳
 公治行天下第一之義四廳正宅後梅花六株名梅花
 堂兵燹後俱廢

國朝順治初於城西南隅寄治民舍康熙二十八年知府汪

楫移駐東北隅舊提督府衙門計大堂五間前捲棚五
 間大堂左庫房三間東西書辦房二十九間儀門三間
 頭門三間內西邊迎賓館三間東邊土地祠三間頭門
 外馬快班房三間捕快班房三間皂隸班房三間襍役
 班房三間轎夫房一間宅門一座二堂五間東西厦房
 六間二進住房五間四進大書房五間小書房三間厦
 房二間後房三間西箭道三間馬號六間乾隆二十六
 年知府張珽添建告示房十間招房三間經昭房三間
 乾隆三十九年知府王啟緒詳借養廉重修又捐建書
 房三間學房二間厦房四間

通判署在城西北隅舊府署西

學院行署在府城西南隅即舊察院署改建為學政試士
 之所雍正六年知府張漢洛陽縣知縣王箴輿修乾隆
 八年洛陽縣知縣龔崧林重修四十一年知府施誠洛
 陽縣知縣何如鍾修復增建號房各二十間易蓆棚作
 魁瓦房

分守道署在城西南隅康熙六年裁缺後改都司署今為
 參將署

教授署在城東南隅府學明倫堂後
 訓導署在城東南隅府學宮西乾隆四十一年知府施誠

修建

經歷署在城東北隅府署東

參將署在城西南隅

守備署在城東北隅府署西

把總署在守備署東

洛陽縣署舊在成周漢魏晉後魏悉因之隋大業初徙置

灑水西道

一作坊

唐宋金元至明悉因之萬歷四

二年修建福府移城東北隅迎恩巷之北正堂五楹額

曰太微堂左右庫房二間甬道左吏戶禮右兵刑工諸

科房各九間儀門三楹東西角門各一間左右糧房十

二間大門建重樓左申明亭右旌善亭堂後為內署迤

東為幕廳縣丞署再東主簿署西典史署大門內東為

寅賓館又東為土地祠明末燬於兵

國朝順治七年知縣武攀龍就舊基重建歷任知縣先後補

葺乾隆八年知縣龔崧林重修乾隆三十九年知縣蔣

果添建糧房三間西院正房三間前捲棚六間西廂房

二間遊廊房六間船房四間乾隆四十二年知縣何如

鍾重修大堂六科等房并內宅增其舊制

縣丞署舊在縣署東今在城東北隅府署西

典史署舊在縣署西今在城東北隅清涼寺西

教諭署在城東北隅府署東

訓導署在城東北隅府署西

偃師縣署在城內敦化坊漢時舊治歷代仍之於後毀於兵

國朝順治三年知縣王埏重修大門建譙樓置更鼓左土地

祠寅賓館故址左爲首陽驛右西南隅爲監獄堂左置

庫右置蕭曹祠北曰思補堂卽二堂堂後爲官宅知縣

宋中鴻魏惟紫修乾隆二十四年知縣高積厚修二十

六年盡沒于水二十七年知縣耀德重修三十年知縣

王壘絡修

典史者在故縣丞署東

教諭署舊在敬一亭後久廢今暫寓明倫堂後

訓導署舊在明倫堂西今俱廢雍正十二年三月改建敬

一亭北

把總署舊缺未建

鞏縣署建置始于西漢元至正間沒于水明宣德間復甚

遂移今址嘉靖癸丑六月霪雨連旬城郭民舍蕩然無

存知縣周泗請于郡伯葛重建崇正十六年逆闖破城

盡遭焚毀

國朝順治十年知縣陳朱垣重建大堂後堂東西六房縣廨

一三層高樓一及譙樓儀門架閣庫後譙樓傾圮康熙

二十年秋知縣蔣徵猷重修四十八年大水入城東西
圍牆六房并照壁圍墻盡行傾圮知縣多時琦重修

典史署在縣署右

教諭署在學宮東

訓導署在學宮西 乾隆二十六年奉文裁汰

孟津縣署舊在北街迤東明末遭流寇兵燹盡毀

國朝順治三年知縣陳瑚因布政司行臺繕之四年知縣宋

宏道增修九年知縣卞世珍增修公廨東西兩厦堂左

建庫房吏戶禮房架閣庫右建兵刑工承發房各五楹

儀門左建土地祠馬神廟并馬房雍正五年知縣陳承

正增三堂為五楹乾隆十年知縣王宏猷增四堂亦為

五楹寅賓館在大門東獄在縣治右乾隆五年典史陳

宏增修獄神廟以處遞解軍流

典史署在縣署後北街

教諭署在學宮敬一亭後

訓導署在崇聖祠後

察院在縣署右明為按察司行臺

宜陽縣署在挹秀門內直接屏山第一峯明末燬於兵

國朝順治十年知縣金繼望重修於故址中為保赤堂東為

庫房左右為六科房堂右贊政廳門內右鄧候祠門外

左土地祠祠東寅賓館大門上譙樓正堂後間夜堂迤
北知縣內宅極北退思樓明知縣王廷議建

國朝康熙二十五年知縣韓庚寅重修

縣丞署在韓城鎮

乾隆三十年以鞏縣縣丞移駐

典史署在縣署儀門內京順治間典史王宗周重修

教諭署在明倫堂後

訓導署在明倫堂東

東察院本布政分司舊基也

西察院本按察分司舊基也

登封縣署在城中宋知縣樓昇明知縣山鏡之侯觀李居

仁燕汝靖傅梅相繼修建舊治明末焚燬

國朝順治八年知縣張朝瑞捐俸重建居敬堂六房後堂庫

折東而北為宅門內三堂凡四十餘間大門在譙樓下

康熙三十三年知縣張聖誥重修表孟浩然詩於壁上

乾隆五年譙樓傾圮知縣施奕簪改建大門四十年知

縣曾友伋同邑紳重建譙樓仍顏曰嵩陽樓

典史署移主簿署舊基乾隆三十二年典史孫佩聲重修

教諭署在明倫堂左

訓導署在忠義祠後

城守營在縣署西

永寧縣署在東西門通衢之中央明洪武初知縣翟禮重建宏治十六年知縣李景重修規制式廓於舊基中爲忠愛堂左贊政廳右庫藏東西列爲六房前爲儀門門外左爲土地祠祠之東爲紫雲軒卽寅賓館也萬歷中知縣楊淳創建右爲獄前爲譙樓亦所改建忠愛堂後爲慎思堂又後知縣宅

國朝康熙八年知縣李伸修葺乾隆九年知縣單履咸重修又建譙樓及內宅房

典史署在縣署之東南

教諭署在明倫堂後明末燬于流寇康熙二十四年教諭

宋鎰創修友仁堂右爲敬一亭後爲教諭署共三房三十餘間

訓導署在明倫堂之東

新安縣署元至大四年河間李恭自彰德錄事來宰新安創建有元王綱碑記明洪武三年知縣丁廷舉重修嘉靖四十四年知縣王訓重建

國朝順治十八年知縣佟希聖重修後漸傾圮乾隆二十九年知縣邱峩重修官庫左楹儀仗庫右楹左右書吏房左土地蕭曹兩祠前大門卽舊譙樓宅門正堂後茶房門房二堂知縣陸師建額曰退思堂東書房在三堂東

西書房在二堂西知縣錢汝駮建額曰息寧堂堂西有槐枯已十年甲午秋復活知縣饒炯建瑞樹軒自為記典史署在縣署東乾隆二年典史連天璧建二十九年知縣邱莪修

教諭署在尊經閣下

訓導署在崇聖祠後俱乾隆三十年建總大門三間在文

廟東向有舊址知縣邱莪重建

澠池縣署舊建邑中災廢崇正十一年知縣牛藩以東布政司行臺改為縣署正廳吏舍神祠賓館俱備十五年流寇燬其強半署事而汝悠補建傾圮已久

國朝順治七年觀察于時躍慨然捐貲屬知縣張璟重修又知縣孟國英增補康熙二十五年知縣劉守嘉捐蓋六科房并補葺二堂堂左又建客廳正房後樓巡檢署在治北一百二十里南村寇燬順治七年巡檢李

聯芳翔補

典史署在縣署右

教諭署在文昌閣後

訓導署在城隍廟左

乾隆十六年秋縣署燬康熙十四年尚奉文裁缺

嵩縣署即古州郡治明洪武元年指揮任亮改營署為守禦千戶所洪武二年建縣署于城西北隅知縣王景道

承修明末流寇焚燬無存

國朝官儼民居順治十三年軍屯歸有司復以千戶所爲縣署知縣楊厥美承修康熙九年知縣陳鴻烈十四年尚遷俱增修今正堂名曰近民堂西爲庫知縣康基淵修又西爲倉庾堂下夾以廊舍東吏戶禮房西兵刑工承發房知縣郭鉉俊重修中門之左衙神祠祠南便民房知縣康基淵改建西區倉庾前馬神祠其右爲獄臺爲廐大門上有譙樓門內東西各役班房知縣戈錦建二堂名曰虛堂東書廳知縣郭鉉俊建又東半依堂知縣靳樹賢建堂西庖厨其南幕寮虛堂後爲官舍知縣郭

鉉俊重修繚以周垣乾隆三十八年李一德詳請動項重修

通判署在孫家店縣南一百六十里門堂規制大率視縣官舍吏廡厨之屬皆具乾隆五年移駐知縣徐璣修巡檢署在舊縣明洪武十八年設乾隆三十五年重修典史署舊志在縣署內今署址尚存乾隆二年知縣戈錦詳借察院行署改今署三十五年重修

教諭署舊志在西關明倫堂後明末焚廢今咸儼民居

守備署舊在城內乾隆九年奉文移駐孫家店鎮知縣徐璣建修

把總署在縣東

附驛站

乾隆二十三年九月二十七日奉

上諭各省驛站原為馳遞緊要公文而設並不許地方官擅行輕動乃近來外省陋習往往於無關緊要事件遽行插翼飛遞甚至往來簡帖亦用郵傳相沿既久遂致視為故事以致馬匹疲乏於公務轉不免貽誤甚非慎重郵政之道嗣後務須嚴行查禁無論私事不得擅動驛馬即地方公事亦當斟酌緩急毋得仍蹈前轍其經過縣驛各將逐日所遞公文每月造冊申報該上司嚴行

查覈如有違例擅動者即行嚴叅究治

糧儲驛鹽道溫必聯條議黃河水凍調發榮澤縣驛馬

協濟鞏縣偃師二縣乾隆二十七年准行

洛陽縣

明周南驛

見古蹟

現設驛塘馬六十九匹

現設驛塘損遞等夫一百三十一名

歲支工料等銀三千五百四十二兩五錢一分三釐

遇閏照例加增

以上續通志

通運所在東關夾馬營東二龍岡中設大使一員原額

牛站銀四千二百一十五兩原額所夫一百八十名
 總舖在府前 史家灣舖去縣十里 白馬舖去縣二
 十里以上東通偃師縣 古城舖去縣十里 龍門舖
 去縣二十里許 南店舖去縣三十里許 閔店舖去
 縣四十里許 南莊舖去縣五十里許 府店舖去縣
 六十里以上南通嵩盧縣 七里河去縣十里 谷水
 舖去縣三十里以上西通新安縣 乾河舖去縣十里
 鷓店舖去縣二十里許 鳳凰舖去縣三十里許
 青塚舖去縣四十里以上北通孟津縣 桃園舖去縣
 十里 石壩舖去縣十五里許 門家庄舖去縣三十

里以上東南通登封 草店舖去縣三十里許 彭婆
 舖去縣四十里許 白沙舖去縣七十里許 姬磨舖
 去縣六十里許 茹店舖去縣八十里以上正南通汝
 州 員庄舖去縣五十里許 三山舖去縣三十里許
 新店舖去縣三十里許 沙河舖去縣四十里以上
 西南通宜陽以上舊府志
 偃師縣
 明首陽驛見古蹟
 現設驛塘馬三十二匹
 現設驛塘擯遞等夫五十名

歲支工料等銀一千四百六十四兩二錢二分五釐

遇閏照例加增 續通志

在城曰總舖在鄉衝繁之舖四 孫家灣舖在城東十

五里 新寨舖在城西十里 蔡庄舖在城西二十里

義井舖在城西三十里簡僻之舖五 石峽舖在城

西北十里 丁府店舖在城西南二十五里 緱氏舖

在城正南二十五里 府店舖在城東南三十里 叅

駕店舖在城東南五十里 舊縣志

按縣界東至省城新寨蔡庄義井三舖西至河南府南峽西北至孟津緱氏丁府店西南至嵩縣府店南登封

鞏縣

明洛口驛 見古蹟

現設驛塘馬三十二匹

現設驛塘墾遞等夫五十名

歲支工料等銀一千四百六十三兩三錢八釐

遇閏照例加增 續省志

在城舖 新店舖 七里舖 界石舖 任村舖 洛

口舖 金溝舖 城西舖 府縣舊志

按七里舖洛口舖東至省城城西舖界石舖西至河南府

孟津縣 無驛

洪武元年移遞運所于孟縣孟州故地舊府志

現設驛馬三匹

現設驛塘損遞等夫四名

歲支工料等銀一百四兩二錢六分四釐舊府志

遇閏照例加增續通志

縣前舖西通洛陽 雙槐舖東通叩馬舊縣舖北通

孟縣 叩馬舖南通偃師舊縣志

宜陽縣

後魏 甘棠驛見古蹟

現設驛馬一匹

現設驛夫一名

歲支工料等銀三十五兩一錢八分

遇閏照例加增續通志

縣總舖廢 泊頭舖東南三十里 段村舖北三里

石村舖東十里 羊閣廐舖東二十里 溝頭舖西十里

花庄舖西二十里 高美舖西三十里 官庄舖西

四十里 韓城舖西五十里 福昌舖西六十里 流

渠舖西七十里 三鄉舖西八十里舊府志

登封縣無驛

現設驛馬三匹

現設馬夫一名

歲支工料等銀六十三兩三錢七分六釐

遇閏照例加增 續通志

走遞馬三十六匹寔徵銀七十八兩八錢八釐一毫

走遞青夫三十二名寔徵銀二十八兩七錢 舊縣志

雷家岡告成石羊關三鋪東南通禹州 邢家廓店三

鋪西北通本府 金店送表二鋪南通汝州 盧店宋

店二鋪東通密縣達省會 舊府志

永寧縣

唐鹿橋驛 見古蹟

現設驛馬二匹

現設馬夫一名

歲支工料等銀六十兩一錢一分 續通志

遇閏照例加增 續通志

縣前總鋪 寨裏鋪東十里 嶽山鋪東二十里 舊縣志

西鋪西十里 張村鋪西二十里 小仇鋪西三十

里 寨裏鋪西四十里 長水鋪西五十里 桑樹嶺

西七十里 崇陽鋪西八十里 下峪鋪西九十里

故縣鋪西一百里 舊縣志

新安縣

明函關驛 見古蹟

現設驛塘馬四十九匹

現設驛塘損遞等夫九十四名

歲支工料等銀二千五百四十六兩八錢三分二釐

遇閏照例加增 續通志

義昌遞運所在七里站 磁澗遞運所縣東三十里 舊府

志 東路火蟲驛舖去城十里 灣子舖去城二十里

慈澗舖去城三十里 孝水舖去城四十里 西路

嶺出舖去城十里 克昌舖去城二十里 關門舖去

城三十里 舊縣志

澠池縣

明蠡城驛 義昌驛 見古蹟

現設驛塘馬五十四匹

現設驛塘損遞等夫八十八名

歲給工料等銀二千四百六十二兩六錢三分二釐

澠池縣腰站義昌驛現設驛塘馬四十九匹

現設驛塘損遞等夫八十九名

歲支工料等銀二千四百六十二兩六錢三分二釐

遇閏照例加增 續通志

總舖縣前 塔泥舖 千秋舖 和村舖 義昌舖

嶺店舖以上東

通新安

新埠舖

涎子舖

土壤

舖以上西

通陝州

嵩縣

現設驛馬一匹

現設馬夫一名

歲支工料銀三千八百兩二錢八分三釐

遇閏照例加增

縣總舖

橋北舖

沙窩舖

鳴學舖

水泉舖

附戍墩

洛陽縣正東路白馬寺墩臺營房一座 正西路七里河

谷水鎮各一座

東北路十里舖

鷄店鎮

三十

里舖共三座

每處營房十一間大門一間周圍墻垣

三十四丈墩臺高一丈七尺基潤一丈五尺頂寬一丈

一尺上建望樓臺旁告示房一間烟墩五座木坊一座

乾隆六年署洛陽縣事偃師縣知縣朱續志奉文建修

正南路龍門鎮墩臺營房一座 彭婆鎮

白沙鎮各

一座 東南路翟鎮一座 每處營房八間煙墩三座

大門墩臺望樓告示房木坊同上乾隆九年知縣龔崧

林捐修

通計河南營分防墩臺馬步兵四十七名內馬兵九名

守兵三十八名

偃師縣正東路孫家灣墩臺營房一座 正西路辛店街

義井舖墩臺營房各一座 正南路府店鎮墩臺營房

一座乾隆六年知縣朱續志奉文建修其營墩規模大

概與洛陽同

鞏縣正東路七里舖墩臺營房一座 正西路石河道墩

臺營房一座乾隆五年知縣張雷光奉文建修

孟津縣 府城守營左司把總防守偃鞏孟三縣駐劄偃

師另設外委把總協防孟津營額設馬兵四名守兵十

六名河兵一名

大坡口清水店舊縣河口三汛各設官廳三間營房十
間望遠樓一座界牌一座

新安縣正東路尤彰慈澗二汛正西路克昌關門二汛正

北路倉頭汛各設官廳兵房若干間門樓木坊烟墩望

樓若干座

通計河南營分防墩臺馬步二十二名內馬兵五名守

兵十七名守城汛兵十二名

澠池縣東西大路墩臺營房五處乾隆五年知縣張維賢

奉文建修乾隆十一年知縣梁易簡重修

按宜登永嵩四縣不通
驛站故無營堡可紀

附津梁

按勝國以前諸關津橋梁已入古蹟
國朝無多新建卽有之溪渡徒在隨時興廢無關治要不足
紀載謹擇其稍著者存之以脩一體

洛陽縣 洛水津在縣南郭外 龍門津卽伊闕舊設水

夫三名夏舟冬橋與洛水同 鉄器街渡口 棗園渡

口 桃園渡口 白廟渡口 龍虎灘渡口 三山渡

口 員庄渡口 以上皆洛水渡口 司馬庄渡口 針庄渡口

下庄渡口 石壩渡口 門家庄渡口 前王渡口

高家崖渡口 以上皆伊水渡口

南廣濟橋龍門東順道中守道許文秀建 二龍橋在

濛縣東十五里雍正七年山西澤州府商人建 玉仙橋

在縣東南二十四里邵家庄雍正三年庄民尚一德建

偃師縣 楊村渡口 二龍橋 雙鳳橋 香椿橋在香

宜椿崖伊水之上輾轉入洛要津乾隆七年耆民周述禹

建

鞏縣 南河渡口在縣北三里通懷慶府 洛口渡口在

縣東二十里西黑石渡口在縣西二十五里順治十四

孟年知縣張好奇造船以便行人 榆園渡口在縣北十

里通温縣達衛輝府 駱峪渡口在縣西三十里通孟

津縣 東站河橋康熙二十一年知縣蔣徵猷築城建

水浴溝橋水浴溝當衆山之麓乃城東孔道也知縣多時琦建

孟津縣 孟津渡口在舊縣東門外官設船十四隻 白

坡渡口在縣西十八里 張家橋在縣東十五里 東

石橋在東門外邑紳王無咎建 柳溝橋在縣西五里

北石橋在北門外邑民王登林建

宜陽縣 北門渡口 徐城渡口 龍屋渡口 藻河石

橋在縣西門外 靈山橋在坊郭保洛水上 畫橋在

韓城西岸柳色如黛 新橋在城東北隅洛河上

新安縣 聚義橋在縣東二十五里 三里河溝乾隆八年

李慶倪建 小石橋在縣北五十里 衡家窰東 黑虎

橋在縣北五十里 梁興廟東 雍正間董崑生建 利涉

橋在縣北二十里 薛村 呂都憲建 金水橋在縣東門

外下坡 東澗橋在縣東三里 函谷關外 關門橋在

縣西三十里 關門鎮東門外

澗池縣 濟民渡口在縣北百二十里 白浪渡口在縣

西北四十里 雙濟橋在縣東四十里 知縣鄧琪棻建

迎恩橋在縣東乾隆九年里民建

嵩縣 潭頭渡口 舊縣渡口 湯下渡口 三塗渡口

東大河渡口 陸渾渡口 莘渠渡口 趙公橋在縣

東稱鈞灣知縣趙景融鑿山建 雙羊橋在縣北白楊
關下知縣李某建 三王橋在縣東三王庄前往來要
津 黃砦橋康熙六十年邑人于騰龍建 永安橋在
橋頭村乾隆二十五年建 飯坡橋在縣東康熙二十
七年趙一元建 任嶺橋在南山大路 陸渾橋邑民
任進忠張士琦建 莘渠橋在秦楚孔道杜希聖建

河南府志卷之六終

河南府志卷之七

山川志一

河南郡背負北邙前對伊闕關外為三塗關東連嵩嶽
闕西接宜陽山而郡城西又有周山凡河南郡山皆與
五山連體故表五山而出之以經諸山其水之大者曰
水河曰洛曰伊曰穀北則河與穀洛夾北邙次南則穀與
水洛夾周山次西南則洛與伊夾宜陽山而東南則伊洛
帶嵩嶽之北潁水出嵩嶽之陽汝水又出三塗之西南
凡河南郡水皆入河洛伊穀四水唯汝潁別流故表四
水而出之以經諸水別以汝潁附焉至紀敘山川皆自

西而東者仿禹貢導山導水例也志山川

仰山南嶺水皆入洛水亦謂之嶺水

仰山之首西接關陝入澗池為馬頭山

水經注山海經傅山之西有林焉曰播豕穀水出焉今穀

水出于嶠東馬頭山

魏書地形志澗池郡領北澗池縣有馬頭山

按馬頭山在澗池西南界上半屬陝州入澗池為雞鼓山又北為鹿臺山又北為菴子山又東北轉為小口門

大山門山連峯十餘乃為澗池北韶山但自菴子山以上不見于書邑志亦不詳實皆馬頭山之連峯耳其大

山口門山當為羊耳山詳在下

又東北為羊耳山

魏書地形志北澗池縣有生耳山

按魏書生耳山當為羊耳山蓋山率以形似取名生羊字偶譌又澗池治西有羊耳河出西北山澗中山有小

山口門山大口門山皆雙峯狀似羊耳邑志雖不詳可從魏志補入

又東北為韶山

寰宇記澗池縣北三十里有韶山左右兩峯狀如日月

李濂通志韶山有金鳥玉兔二峯金置韶州蓋取諸此

韶山南為雲門山天壇山鑿山

名勝志澗池縣北有雲門山其寺曰雲門寺西北有王喬

洞去縣三十里山石皆土所成取而破之木葉之形交錯

其間文理具在若雕刻然洞之上二木亦皆化石而產枝

葉猶故其舊碑云昔神仙大丹成土木皆化為石

名山記天壇山在澠池縣東北十八里高五百丈四絕如

壇後魏孝文西巡致祭

澠池志鑿山在治北二十里形如鑿唐潞王禱雨於此

按韶山即雲門山名勝志列韶山復列雲門山蓋別韶山前峯為雲門耳鑿山又名雷公山以上有雷公廟也

韶山北為桓王山

李通志桓王山在澠池縣北一百里以山巔有周桓王陵

故名

按韶山北重巘疊嶂北臨大河皆為桓王山山下南村關在澠池北百一十里

韶山東為廣

水經注穀水自缺門而東廣陽川水注之水出廣陽北山
明史地理志澠池東北有廣陽山亦曰澠池山北溪水出焉

李通志廣陽山一名澠池山在澠池縣東北三十里

按水經注缺門東廣陽川今俗呼洪陽川由川而上即廣陽山在澠池東北五十里而通志以為東北三十里者蓋廣陽山盤亘數十里通志與水經注各據所至為言也至縣志以為在治西二十里誤又按舊志澠池縣東北三十里有白石山其下澗水出焉據山海經澗水出白石山乃在穀水南洛水北為今新安縣南之白石山而舊說以為在澠池穀水北者蓋水經注所謂北澠池水北出澠池者也北澠水乃孔安國所謂澗水非澠池水也北澠池今攷北澠水即澠池東五里之目遂移白石山于澠池今攷北澠水即澠池東五里水出韶山東澠廣陽西澠廣陽即澠池山明史謂北澠水出焉與水經注合故今列韶山廣陽不列白石

廣陽南為方山田山

名勝志方山田山俱在澠池縣東北三十里以山形四方及頂平可耕而名

東南為白鹿山

李通志白鹿山在澠池縣東四十里相傳獲白鹿於此故名

又東南抵穀水為缺門山即鳳山

水經注穀水逕缺門山山阜之不接者里餘故得是名矣二壁爭高斗聳相亂西瞻雙阜右望如砥

按新安志缺門中通穀水水北為鳳凰山在廣陽山東南水南為青龍山在爛柯山西北

廣陽東北入新安為敖岸山即荆紫山

山海經敖岸之山其陽多瑇瑁之玉其陰多赭黃金神粟池居之是常出美玉北望河林其狀如檮如舉舉疑作畧

新安志荆紫山在縣西北一百一十里黃河南岸境內山之最高者

按新安志有楡底山實皆荆紫山荆紫乃金子之譌山海經謂敖岸山多赭黃金故呼為金子

又東為青要山即疆山

山海經敖岸東十里曰青要之山實維帝之密都北望河曲是冬駕鳥南望蟬渚禹父之所化是多僕鬣蒲盧魼或羅司之其狀人面而豹文小腰而白齒而穿耳以錄其

如鳴玉是山也宜女子珍水出焉

水經注新安縣青要山今謂之疆山

隋書地理志新安有疆山

按新安志青要山在縣西北七十里黃河南岸疆山在縣西北三十五里即石寺南山別為二山與水經注異

攷山海經有青要無疆山隋志有疆山無青要則水經注以為一山者是矣但今俗所稱青要者大山濱河

水東界而疆山驪山東西相接俱在其南則新安志別自言之亦不可廢

青要山南抵新安治為慕容山

名勝志慕容山在新安縣治後燕慕容垂屯軍於此故

青要山東為驪山

山海經其正曰美稷其陰曰驪

之玉止回之水出焉而北流注於河

水經注驪山疆山東阜也

隋書地理志新安有魏山

按山海經謂驪山在青要山東十里即新安縣北三十五里疆山之東阜為即山之脊

驪山東南為離山

水經注河南有離山水謂之為澗水水西北出離山

按水經注所目澗水凡四離山水其一也即今金谷水西北出新安離山在新安東北三十里

驪山東入洛陽為穀城山

山海經平逢山南望伊洛東當作北望穀城之山

水經灑水出河南穀城縣北山

孫盛魏春秋黃初元年文帝愈崇宮殿雕飾觀閣取白石
英紫石英及五色大石於穀城之山

明史地理志洛陽西北有穀城山亦曰替亭山瀝水所出

按山海經平逢山在穀城山南宜曰北望不宜曰東望且以南望伊洛句例之則東字為北字之譌無疑郭注又以穀城山為在濟北穀城縣西誤

穀城山南為縞羝山

山海經平逢山西十里曰縞羝之山無草木多金玉

按各勝志洛陽西北有太白原金水自太白原東南經金谷縞羝山當在太白原東南

穀城山南迤東為平逢山

山海經縞羝山之首曰平逢之山南望伊洛北望穀城之

山有神焉其狀如人而二首名曰驕蟲其祠之用一雄雞
禳而勿殺

汲冢周書周公作大邑成周於土中南繫於洛水北因乎
邠山以為天下之大漈

名勝志平逢山邠山之別名也都城所枕連亘四百餘里

按平逢山南下為古王城平逢東阜為翠雲峯其上樹木森列蒼翠如雲東南下為今郡城在王城東

驪山東北入孟津為宜蘇山

山海經驪山東四十里曰宜蘇之山其上多金玉其下多

蔓居之木瀟瀟之水出焉而北流注於河是多黃貝

孟津志蘇山在縣西七十二里河清堡

按宜蘇山在穀城山南南北兩山夾灑源灑繞穀城山南入洛

宜蘇山東為栢崖山水出焉

李通志栢崖山在孟津縣西五十里其各栢嶺五其平

又東為和山

山海經宜蘇山東曰和山其土無草木而多瑤碧實惟河之九都是山也五曲九水出焉合而北流注于河其中多蒼玉吉神泰逢司之其狀如人而虎尾是好居于黃山之陽出入有光太逢神動天地氣也

水經注山海經和山九水出焉是於黃山之陽呂氏春秋

曰夏后孔甲田於東陽黃山即東首陽山今於首陽東山

無水以應之當是今古世懸川域改狀矣

孟津志宜蘇東四十里為和山在縣西栢林堡

按山海經和山泰逢神好居黃山之陽是和山黃山本非一山水經注誤為和山九水出於黃山之陽黃山節偃師東首陽山遂疑無水以應之為山川改狀不知東首陽本無水和山固非東首陽也孟津志以和山為在栢林堡亦無九水可証蓋山海經所謂和山當包花崖藥藍黃花諸山言之今黃花有潘河二源疑並入五曲九水也附郭璞泰逢神讚神號泰逢好遊山陽濯足九州出入流光天氣是動孔甲迷惶又路史泰逢神解神者天之徒鬼者物之徒也古之聖人開天之天而不開人之天閉人之寶而不閉天之寶是以陽明勝而與天為徒也夫神陽而鬼陰德陽而欲陰禽陽而獸陰是故德盛成男欲盛成女釋誤多毛老誤多羽

宜蘇山東南入洛陽為無澗山

魏志司馬芝傳曹洪乳母當與臨汾公主侍者共事無澗

神注無澗山名在洛陽東北

按無澗山當在今破陵東北山阜高平無深澗

又東為古洛陽北印山

水經注洛陽廣莫門北對芒阜連嶺修垣苞惣衆山始自洛口西踰平陰悉芒龍也魏志曰明帝欲平北芒令登臺見孟津侍中辛毗諫曰若九河溢涌洪水為害邱陵皆夷何以禦之帝乃止

方輿紀要印山綿亘四百餘里古陵寢多在其上印一作芒左傳昭二十二年王田北山即印山也晉大安二年成都王穎自鄴舉兵內向帝軍于芒山以拒之後魏景明二

年獵于北印永熙三年魏主與高歡陳因發河南諸州兵大闕于洛陽南臨洛水北際印山西魏大統四年東魏侯景圍金墉宇文泰馳救解圍去泰追之景為陳北據河橋南屬印山東魏武定初高歡引軍渡河據印山為陳泰自瀍曲夜登印山以襲歡為歡所敗後周保定四年宇文憲等軍于印山齊將段韶自晉陽馳救登印阪觀周軍形勢與周軍遇于太和谷周師敗遁隋大業十三年李密據洛口明年李密據金墉擁兵三十萬屯于北印唐肅宗上元二年李光弼自河陽與史思明戰于印山洛陽有事北印亦必爭之會

太和谷在印山東垂

李通志北邙山金更名太平山

邙山北垂為白馬山

即白司馬阪

方輿紀要白司馬阪在河南府東北三十里邙山東北垂亦曰白馬山後魏孝昌三年蕭寶寅以關中叛蕭贊在洛陽聞之懼而出走趨白馬山隋大業九年楊元感引兵向洛弟元挺為先鋒白司馬阪踰邙山南入唐貞觀十一年河溢帝幸白司馬阪觀之朱梁開平末存勗屢破梁兵全忠懼引兵屯白司馬阪唐主從珂嘗遣將至曰司馬阪行戰地

按白馬山在洛陽山北下為孟津縣西白坡鎮

邙山又東入偃師為首陽山

水經注河水南對首陽山春秋所謂首戴也夷齊之歌所矣曰登彼西山上有夷齊之廟前有二碑並是後漢河南尹廣陵陳導洛陽令徐循與處士平蘇騰南陽何進等立事見其碑又有周公廟魏氏起元武觀於芒垂張景陽元武觀賦所謂高樓特起竦峙峇堯直亭亭以孤立延千里之清飈

隋書地理志偃師有首陽山

名勝志郡國志首陽山在偃師縣西北二十五里每月方升光必先及故名城塚記云魏文帝陵在首陽山南晉杜

預墓亦在山前

按道元於首陽山兩存其說一為河北雷首山今在蒲州一為平縣故城南首陽山今在偃師閻若璩四書釋地攷首陽山凡五終莫能定蓋山峰早得日光者謂之首陽固可隨地命名而夷齊迹跡西山近殷故都常屬偃師自故洛城東北至偃師西北連峰十數皆曰首陽而界洛陽者俗呼馮王山又東為文帝陵又東至土婁杜預墓在山陽又名勝志有覆舟山昔盧敖登嵩嶽望覆舟如蟻蛭黃河如帶據魏書李冲傳葬于覆舟山近杜預墓墓在首陽則覆舟者首陽之別名也

又東為酈山

隋書地理志偃師有酈山

水經注陽渠逕漢廣野君酈食其廟南廟在北山上成公綏所謂偃師西山也

又東為尸鄉北山

搜神記祝雞翁居尸鄉北山下養雞千餘頭皆有名字呼之種別而至

名勝志劉澄之永初記以為尸鄉石室仇生所居

按尸鄉今辛寨在偃師西十里

又東為東首陽山

水經注呂氏春秋夏后氏孔甲田於東陽蒼山遇大風雨迷惑入于民室皇甫謐帝王世紀以為即東首陽山也蓋是山之殊目矣

隋書地理志鞏縣有東首陽山

按東首陽即今偃師西北山隋志以為鞏縣山者蓋當時山入鞏也今山隸偃師山東地猶錯入鞏縣

又東為鳳臺山

方輿紀要鳳臺山在偃師東二十里接鞏縣界本名訾王

山宋天聖八年建太祖太宗真宗會聖宮于上改名鳳臺

山

又東北至鞏縣故城北為崆峒邱

水經注鞏縣北有山臨城謂之崆峒邱其下有穴謂之鞏

穴言潛通淮浦北達於河直穴有渚謂之鮪渚

方輿紀要崆峒邱在今鞏縣西北三十里

又東北抵洛河為神尾山

方輿紀要神尾山在鞏縣北宋元豐初都水丞范子淵議

引洛入汴處

按神尾山為卬山盡處曰神尾者神都山之尾也

自卬山之首馬頭山至神尾山凡三十三山經府屬澗

池新安洛陽孟津偃師鞏六縣凡三百八十里

蘇州府志卷之八

蘇州府志卷之八

蘇州府志卷之八

蘇州府志卷之八

蘇州府志卷之八

河南府志卷之八

山川志二

周山

周山之首起陝州南入永寧為東嶠山

明史地理志永寧北有嶠山嶠水出焉北注于洛其東曰

穀陽谷穀水所出

方輿紀要嶠山在永寧北六十里志以為東嶠其西嶠在

陝州東南七十里破石故城兩嶠相去蓋三十五里回谿

阪在永寧北嶠山南俗名回坑自漢以前入嶠之道皆由

此曹公西討惡其險乃更開北道

按水經注穀水出嶠東馬頭山明史謂出嶠山東是馬頭亦嶠山也水經注紀三嶠水皆北入大河明史以為嶠水入洛指東嶠水入洛者言之三嶠為干嶠盤嶠石嶠皆入陝州於中又別為東西嶠永寧之嶠山乃東嶠也嶠東馬頭至熊耳山為周山一支澗池在熊耳北交入熊耳西陝州在熊耳西交入熊耳南並曲抱其東北犬牙相錯而西南永寧諸山在洛水北者自熊耳望之尚隔陝州界數十里以河南界內山為斷各分支異域然永寧諸山與澗池熊耳實皆連體三嶠嶠山為周山之首故以永寧東嶠挈綱復西南由洛水北次第而東

嶠山西南為鵝鵠山

水經注黃城溪水出鵝鵠山有二峰峻極于天高崖雲舉
 九石無階援徒喪其捷巧龜族窮其輕工及其長霄冒顛
 層霞冠峰方乃就辨優劣故有大小鵝鵠之名
 方輿紀要鵝鵠山在永寧西八十里接盧氏界

按鵝鵠山俗呼關山以山谷有鵝鵠關也
 山谷水有大小鵝鵠俗音轉為大小鐵溝

嶠山南為天壇山

名勝志永寧天壇山一名壇屋山其山早暮有影俱深碧
 色且則在西直插天際日高則卧與海接暮影在東先卧
 後立他山所無也壇上有仙燈巖有仙猫洞世傳燕真人
 丹成雞犬俱升猫獨不去至今尚有見者

永寧志壇屋山在縣西北六十里

又南為陽虛山

山海經陽虛之山多金臨于元滬之水郭注蒼頡為帝南
 巡狩登陽虛之山臨于元滬洛納靈龜負書丹甲青文以

授之出此水中

李通志陽虛山在永寧縣西五十里一名陽峪

又南為大通山

方輿紀要大通山在永寧西五十里有風穴擊之如雷聲

迤東南為天柱山

隋書地理志熊耳嶺縣有天柱山

今地入永寧

永寧志天柱山在縣西四十五里長水鎮西

南濱洛水為檀山

即龍頭山

水經注洛水逕檀山南其山四絕孤峙山上有塢聚俗謂之檀山塢義寧中劉公西入長安舟師所屆次于洛陽命

叅將戴延之與府舍人虞道元即舟溯流窮覽洛川欲知水軍可至之處延之屆此而返

李通志龍頭山在永寧縣西四十五里上有快風軒下臨

洛水

嶠山東南為嶢嶠山

隋書地理志宜陽有嶢嶠山

今地入永寧

名勝志嶢嶠山在永寧西北三十五里相傳廣成子憩息

之所上有龍井及河濱廟

按嶢嶠山今俗呼廟山

又東南抵永寧治北為鳳翼山山右為延壽山

李通志鳳翼山在永寧縣北一里形如鳳翅延壽山在縣西五里側出香泉飲之則壽

嶠山東北踰陝界接澠池為熊耳山

水經注洛水之北有熊耳山雙巒競舉狀同熊耳此白別

山不與禹貢導洛自熊耳同也昔漢光武破赤眉樊崇積

甲仗與熊耳平即是山也山際有池世謂之鼉池

唐樞游記澠池縣南四十里平岡雜嶽迤邐旋盤中忽發

突雄廣並峙如熊之耳然地名吳坡介陝州澠池之間嶺

崑華衍脈羣椒攢擁惟正山獨窿空相与在西耳為達磨

示寂處

按熊耳為古宜陽地今介陝澠間山陽降勢為古熊耳山陰下臨絕澗有池澄泓道元所謂山際有池世謂澠池也下合數水謂之西度水東南至韓城入洛不入澠池川雙耳西北有土阜雄盤東走周山土阜北有澗水入穀乃澠池水道元尚未詳

熊耳東北為傅山

山海經長石山西一百四十里曰傅山無草木多瑤碧厭

染之水出于其陽而南流注於洛其西有林焉名曰播家

穀水出焉

水經注厭梁當作染之水出宜陽縣北傅山大陂東南注謂

之五延水逕宜陽故城東入洛

按熊耳北土阜隆起近視與熊耳爭高若眇足遠望始低連阜東走所謂傅山也北澗水匯為陂所謂五延水

也至宜陽入洛為汪洋河

傅山北為土嶠山

水經注穀水逕秦趙二城南又東逕土嶠北

按秦趙二城在今澠池縣西十里道元謂逕二城南乃東逕土嶠北則今澠池南山實土嶠山也楊升菴謂土嶠即土嶠是土嶠東至澠池南皆土嶠矣土嶠又在三嶠外

傳山東過天池

在山阜上

方輿紀要天池在澠池東南貞觀十八年峻于澠池之天

池

又東界宜陽新安為長石山

山海經密山西百里曰長石之山無草木多金玉其西有

谷焉名曰共谷多竹共水出焉西南流注於洛

唐書地理志新安有長石山

按長石山共水至宜陽柳泉入洛

又東為微山

即爛柯山

水經注自缺門東南望微山雲峰相亂

李通志爛柯山在新安縣西南三十五里世傳王喬觀奕

爛柯之處

唐樞游記鐵門鎮南六七里連陟盤岡入隱谷中貫小流

稍陟為遇仙觀觀門東一洞面啟三戶上垂瓣覆如龕窟

喬爛柯所也南繞而東一洞中宏而口東深整閱燬施頂

匪壁皆文穀喬煉修所也

微山左轉抵穀水為缺門山

即青龍山見前

李通志缺門山在新安縣西三十里一曰鐵門

按微山自鐵門東至練峪口連峯十餘里練峪水即水經注所謂微山東麓石默溪水也新安志以來練峪口者為郁山蓋微郁音轉也

又東為密山

山海經穀山西七十二里曰密山其陽多玉其陰多鐵

水出焉而南流注于洛

水經注豪水出新安縣密山

新安志密山在縣南十五里豪水出焉即鐵李溝水

又東為穀山

山海經白石山西五十里曰穀山其上多穀其下多桑

水出焉而西北流注于穀

穀山左轉抵穀水為八特坂

即八陡山

水經注函谷東坂謂之八特坂

方輿紀要八特坂在新安縣東晉大寧三年石虎與劉曜

將劉岳相持于石梁曜自將救岳虎率騎逆戰劉曜將劉

黑大破虎將石聰於八特坂是也

新安志八陡山在縣東八里

穀山東為白石山

亦曰廣陽山

山海經婁涿山西四十里曰白石之山惠水出于其陽南流注于洛澗水出于其陰而北流注于穀水

水經澗水出新安縣南白石山注世謂是山曰廣陽山水曰赤岸水亦曰石子澗地理志澗水出新安縣東南東入洛是為密矣

按白石山在今新安縣城黃河南道元于澗池隗曰廣陽北山于新安白石又曰世謂廣陽山博異名耳今以廣陽歸澗池白石歸新安各定主名從其朔也

又東為婁涿山

山海經瞻諸山西三十里曰婁涿之山瞻水出於其陽而東流注於洛陂水出于其陰而北流注于穀

按婁涿山在新安東南二十里邑志譌為鏗脚山

又東為瞻諸山

山海經廩山西三十里曰瞻諸之山澍水出焉而東南注于洛少水出其陰而東流注於穀水

新安志瞻諸山在縣東南二十一里

按少水郭注以為慈澗水經注以為控引眾溪積以成川東流注於穀今瞻諸山在新安東南二十里而近慈澗在新安東三十里而遠以少水東流故也

又東入洛陽為廩山

山海經廩山交觴之水出於其陽而南流注於洛俞隨之水出於其陰而北流注於穀水

按俞隨水今為孝水在洛陽西二十五里自廡山至於
傅山山海經所著里數計四百六十二里今自孝水
熊耳山北計一百八十里蓋古尺短于今尺古尺當
尺六寸古六尺為步今五尺為步古三百步為里今
百六十步為里以古準今則古百里當今六十里古
百六十二里當今二百七十七里而止一百八十里者
蓋古人登降紀山并有
迂迴里數故遠於今也

又東為周山秦山一名

水經注洛水故瀆逕周山上有周靈王冢皇覽曰周靈王

葬於河南城西南周山上又東北逕栢亭皇覽曰周山在

栢亭西又東北逕三王陵

名勝志周山在府城西南十五里下有周谷即周之采地

也

李通志秦山在府城西南世謂秦頭魏尾

自周山之首嶠山鵜鵠至周山凡二十四山經府屬永

寧通池宜陽新安洛陽五縣凡三百六十里

河南府志卷之九

山川志三


宜陽山

宜陽山之首起盧氏熊耳山東入嵩縣為釐山

山海經釐山其陽多玉其陰多菟有獸焉其狀如牛蒼身其音如嬰兒其名曰犀渠瀟瀟之水出焉而南流注于伊水有獸焉名曰獺其狀如獾犬而有鱗其毛如旒鬣

名勝志釐山在嵩縣西

嵩縣志釐山連鉄嶺山海經其陰多菟今白土街山多菹草是也在縣西二百里



按山海經扶豬山西一百二十里曰釐山水經注以釐山瀟瀟之水出陸渾西南王母澗今據扶豬在宜陽南又西南為嵩縣西王母澗北山相去可六七十里與經所謂百二十里者古今里數甚合而嵩志以為即白土街山在縣西二百里西接盧嵩界何也蓋白土街山東至蠻嶺嶺凡伊北之山通得曰釐山按山海經釐山西二百里曰箕尾之山又西二百五十里曰柄山凡四百五十里當今二百七十里二山應在盧嵩永寧界間但今無古名可稽姑依嵩志以白土街山為釐山

又東北界永寧嵩縣為松楊山

水經注松楊溪水出松楊山北流注於洛

按唐志長水縣有松楊故關永寧志縣西八十里有崇陽鎮南通大界嶺為崇陽溝崇松音轉楊陽字譌崇陽即松楊大界嶺即松楊山又紀要永寧西兩百二十里有十八盤嶺接盧氏縣界

又東為攢盤山

永寧志攢盤山在縣西南八十五里

又東為金門山

後漢郡國志宜陽有金門山山竹為律管

水經注金門谿水南出金門山北逕金門塢西北流入于

洛黍良谷水南出金門山東北流注于洛

李通志金門山在永寧南三十里一名律管山九州要記

金門之竹可為笙管

按水經注謂金門谿水南出金門山乃永嵩界嶺大山志謂在永寧南三十里乃據界嶺北小山形如金字者言之並詳洛水下

又東為陰山

水經注太陰谷水南山太陰谿北流注于洛

隋書地理志宜陽有陰山

按今永寧古宜陽地隋志宜陽陰山即永寧東南神頂山俗又呼蓮花頂其下有太陰谷水乃陰山之谷也伊南有陽山伊北有陰山兩山遙對陰陽分立受各自古矣

又東界宜陽嵩縣為女几山即姑媯山亦曰宜陽山

山海經姑媯之山帝女死焉其名曰女尸化為百草其葉胥成其華黃其實如菟邱服之媚於人

水經注渠谷水出宜陽縣南女几山東北遙雲中塢在上迢遞層峻流煙半垂纓帶山阜故塢受其名臧榮緒晉書列孫登嘗經宜陽山作炭人見之與語登不應作炭者覺

其精神非常咸共傳說太祖聞之使阮籍往觀與語亦不應籍因大嘯登笑曰復作向聲又為嘯求與俱出登不肯籍因別去登上峰行且嘯如簫韶笙簧之音聲振山谷籍怪而問作炭人作炭人曰故是向人聲籍更求之不知所止推問久之乃知姓名又孫綽敘高士傳言在蘇門山

李賀集白蘭香神女上昇遺凡在焉曰女几山

名勝志女几山在宜陽西九十里乃晉女彭娥汲器所化之地唐羊士諤詩女几山頭春雪消路傍仙杏發柔條心期欲去知何日惆悵回車上野橋宋邵雍詩予看山多矣未嘗逢此奇巨嵯如格虎險石若張旂雲氣閒舒卷巖形

屢改移丹青難盡處四面盡如斯

按女几山俗呼化姑山即山海經姑媯之山但經作女尸後人作女几尸几字似譌而水經注又作女机則神女遺几之說必有所傳至各勝志言彭媯汲器所化則女几又當作女汲並存之

女几南爲七谿山

〔水經注〕七谷水西出女机山之南七谿山上有西王母祠

又東南爲伏流山

〔水經注〕伊水逕伏流嶺東嶺上有崑崙祠民猶祈焉劉澄之永初記稱陸渾縣西有伏流坂者也今山在縣南崖口北三十里許西則非也

按伏流山即今陸渾嶺上有伏流城即東魏所南陸渾道元謂在陸渾南乃北陸渾之南

女几東爲苦山

即太山一名岳頂山

〔山海經〕姑媯山東二十里曰苦山有獸焉名曰山膏其狀如逐赤若丹火善噉其上有木焉名曰黃棘黃華而員葉其實如蘭服之不字有草焉員葉而無莖赤華而不實名曰無條服之不瘦

〔隋書地理志〕宜陽有太山

〔宜陽志〕岳頂山峻極不可攀躋由山麓至山頂六十里

又東爲鹿鬪山

即露寶山

〔水經注〕焦澗水西出鹿鬪山

〔方輿紀要〕露寶山在嵩縣北六十里產錫礦上有古寨

按露寶即鹿麟之轉又嵩縣東有飾山多岩洞與縣西大礦山皆產錫縣北有黃松嶺產鉛類附此

又東為方山即介立山

水經注焦澗水東流孤山南其山介立豐上單秀孤峙故

世謂之方山即劉中書澄之所謂縣有孤山者也

方輿紀要陸渾山在嵩縣東北四十里一名方山

李通志介立山在嵩縣北四十里一名孤山唐武后巡幸

至此見神仙立雲霧中或隱或見

禹貢錄指金吉甫謂嵩高不得與江夏內方相為內外據

唐志陸渾山一名方山蓋古外方云此說非是嵩高當禹

時未為中嶽即為中嶽而仍名外方與東岱西華南衡北

一類理無可疑且陸渾方山亦何以知其為外方乎

按通志及紀要又有思遠山俗呼西巖山皆方山也

六凡東北為陸渾西山

水經注涓水出陸渾西山在陸渾縣西九十里見伊水注黑澗

水南出陸渾西山見洛水注

按涓水今鳴皋順陽河水黑澗水今宜陽治西皂澗水皂澗西南俗猶呼黑山皆陸渾西山也

又東北為元望山

水經注土溝水出元望山西逕元望山南東入于伊

按土溝水今關外府店水

元望山北抵宜陽治為錦屏山

名勝志錦屏山在宜陽南門外春時花卉繁盛如錦唐武后遊此賜今名上有玉柱峰下有烟霞亭諸勝唐呂巖詩時當海晏河清日白鹿閒騎下翠臺本為君平川裏去不妨却到錦屏來宋邵雍詩錦屏山映一川霞桃李爭妍二月花試向宜陽高處望故宮翻作野人家

錦屏西為石墨山

水經注汝水之側有石墨山山石盡黑可以書疏故以石

墨名山

隋書地理志興泰有石墨山

李通志墨山在宜陽西南一里

錦屏東為壽山

李通志在宜陽東十三里隋置壽安縣蓋取諸此

元望山東北為扶豬山

山海經鹿邱山西五十里曰扶豬之山其上多礪石有獸焉其狀如豨而人目其名曰麇號水出焉而北流注于洛其中多璠石

水經注號水出林緒之山北流注于洛其南則鹿蹄之山也其山陰則峻絕百仞陽則原阜隆平

按扶豬林緒傳寫字譌經謂扶豬在鹿蹄西注誤為鹿蹄在南扶豬在北蓋二山本連體扶豬即今青龍口山鹿蹄即今老龍廟山道元又謂山陰峻絕百仞陽則原阜隆平似又通林緒鹿蹄為一山言之矣並詳洛水下

又東爲鹿蹄山

山海經鹿蹄之山其上多玉其下多金甘水出焉而北流注于洛

水經注鹿蹄山在河南陸渾縣故城西北俗謂之縱山水之所導發于山曲之中故世人目其所爲甘棠焉

方輿紀要鹿蹄山在宜陽東南五十里一名縱山或謂之非山唐龍翔元年改于非山是也

按洛水注謂鹿蹄山即非山甘水注水出鹿蹄又與非山水會別鹿蹄非山爲二其實一山也

又東北入洛陽抵伊闕爲龍門山即鍾山

隋書地理志興泰有鍾山

方輿紀要關塞山在洛陽南三十里一名關口山一名鍾

山山東曰香山西曰龍門大禹疏以通水兩山對峙石壁峭立望之若闕伊水歷其門又有龍門龕魏景明初嘗遣宦者白整鑿二佛龕于龍門其後宦者劉騰復鑿一龕皆高百尺用工數十萬又正始初魏主幸伊闕熙平初胡太后作石窟寺于伊闕口極土木之美又龕澗在伊闕旁八節灘在龍門下

隋書本紀煬帝登北邙觀伊闕謂侍臣曰得非龍門耶自古何不建都于此侍臣蘇威對曰以俟陛下耳遂定都焉唐書宋之間傳武后游洛南龍門詔從臣賦詩左史東方

蚪詩先成后賜錦袍之間俄頃獻后覽之嗟賞更奪袍以賜之問

邵氏聞見錄龍門有利涉院宋呂蒙正與温仲舒讀書于院之士窟中後蒙正狀元及第仲舒第三名文穆詩曰怪得池塘春水滿夜來雷雨起南山盖自况也

按伊水自關口出東北至偃師入洛伊洛間有委粟山在古洛陽城南曹魏景初元年營圓丘于此後魏太和十九年如委粟山定圓丘水經注引地記曰洛水東入于中提山問東流會于伊中提山者委粟之別名也委粟在關口東山北不屬于關口東山而屬于關口西山以小阜非大山不列附見于此

自宜陽山之首釐山至龍門山凡十九山經府屬嵩縣

天... 各... 系... 三... 一...

